

海峽叢書第九種

陳檢討
鍾筠溪
張事軒
集

海口
海南書局印行



序

睡

文章之道。與時會爲顯晦。其晦也。若有神以呵護之。其顯也。必待人以彰明之。故聖經藏於魯壁。不受焚於秦火之餘。漢興復出。立五經博士。彰明於白虎觀訂定諸儒。雖曰時會使然。亦斯道之傳。有不可磨滅者也。余先檢討克紹公。少而英異。博聞強識。凡五經諸史百家之書。無不淹貫。其時吾鄉贈送記序銘頌之文。多出其手。學者翕然宗之。而尤長於詩。輿會所至。發爲吟詠。名重當時。壯歲以明經遊學京師。讀書太學。受業於丘文莊公之門。稱爲入室弟子。若劉希賢。王濟之。謝木齋諸先達。每分韻覓句。未嘗不擊節歎賞。稱爲畏友。未幾聯捷春闈。翔步木天。而爲學愈勤。著作益富。積成卷帙。不忍捐棄。名其稿曰睡餘。文莊公序之。勸其出而問世。存之行笥。尙未付梓。公聞親耗。具疏乞歸。蕤親讀禮。服闋行至羊城。一病不起。身無長物。惟圖書千數百卷。其清風高節。表表當時。睡餘吟稿。雜

餘

集

序

序

行笥中。數傳後。簡編殘缺。字迹尙可辨識。族祖宗武公。重爲編定。付之手民。迄今五十餘年。屢遭兵火。舊板散失。存者無多。忍坐視先人遺集。湮沒不彰。將何以繩祖武而傳後嗣。夫爲子孫者。視先人之杯棬手澤。敬而存之。永念不忘。矧其列著作之林歟。余故搜輯散帙。正其亥豕。依序分類。編成一卷。以傳後人。亦猶杯棬手澤之義云爾。

裔孫紹虞謹序

本傳

唾

餘

集

陳縉。字克紹。瓊山蒼原人。父經。宣德乙卯科鄉薦。授灌陽縣訓導。縉童年稱異。讀書過目成誦。十一歲補弟子員。弱冠從丘文莊公學。稱入室弟子。壯歲貢赴廷試。肄業太學。其時文莊公爲國子監祭酒。相得甚懽。同寄私第。寮案燕集。分韻賦詩。縉詩先成。靡不激賞。劉公健。謝公遷。王公鑿。因詠梅詩。擊節稱歎。以爲吾輩畏友。名動京師。成化丙午科鄉薦。宏治癸丑科成進士。選庶常。同修國史。擢檢討。嘗與謝劉諸公講學。造詣益深。文莊公爲作存笥語序。嘗云。政府一席。終非異人任。其期望者大也。縉著論。以爲文章經國。在國初。則有劉伯溫。宋景濂。王子充。方正學。在永宣。則有解大紳。胡光大。楊文貞。在正統。則有李文忠。劉文安。皆麗藻豐腹。機杼敏妙。未有明體達用。酌古準今。裒然如丘仲深先生者。廖學士道南極贊之。以爲知言。年五十餘。丁艱乞歸。讀禮家居。建龍山莊別業。以教子

本傳

本傳

弟。服闋赴京。行至羊城。一病不起。平生所學。未得用行。士林惜之。著有唾餘稿。藏於家。

唾

餘

集

目錄

序

贈定邑傅侯政滿趨朝序

贈鄉貢進士蔣君遊瑤還鄉序

贈潘侯董翰事竣還定序

贈掌教陳先生署邑政歸庠序代

贈周君彥敷生嗣序

贈定邑傅侯元宵燈序

贈潘公子廷貴榮登鄉薦序

贈梁聽松瓊臺勝覽還鄉序 代

慶周大舍加冠詩序

目錄

記

重修梁老橋記

建棗亭記

重修雷神廟記

字說

莫君簡居敬字說

楊君泰鍾大字說

書啓

啓瓊邑父母書

啓僉憲林公書

啓高千兵書

啓陳師署崖學書

啓韓文瑩書

啓宗兄書

詩引

上督學趙大人詩引

端午代鄉人酌會詩引

闌門詩引

前題

上梁文

贈定呂傅侯重建公堂上梁文

贈定呂莫君新居上梁文

誌銘

武畧將軍張公墓誌銘

目錄

壽官周公墓誌銘

處士何公狀誌

祭文

祭何丈人文

祭蔣太守夫人文 代

祭吳都憲文 代

祭丘節母李太太夫人文

詩

感舊

其二

別友步原韻

過武城

唾 餘 集

萬竹軒

題承君山水

爲傅本榮令器啓蒙學書作

晚歸

與李秀士代楊泰作

送別三首

送彭孔明膺薦入京

月夜乘舟

遊山水

迎春館

金陵有見

封家書

海天春曉十首

目錄

唾 餘 集

目錄

海南風景
響水橋
計氏耕樂
瓊臺春曉
明倫集勝
文廟仰高
雲露春風
泮池秋月
書燈繼晷
春遊柳陌
夏賞荷池
秋吟菊徑
冬步梅蹊

夜經

榕陰對酌

方池湛月

羣山送青

石井潛靈

中秋賞月

長流繞綠

曉天見雪二首

環翠參天

喬梓驚秋

東臯清隱爲黃鉉作

赴薦留別諸鄉友

上翁憲副

目錄

別吳朝舉

別王必輝

途次聞蟬和周師韻

舟次英德觀音石山有作

飛來寺二首

度梅關

過邳州

與吳先生

舟中偶書所見

儀真江口舟阻風

和周鳳齋見寄

五月江邊待客不至

江湖勝覽

睡

餘

集

皇華勝境陳師傅社學卷

金陵勝覽二首

初進南雍

和教習林先生韻

奉和都台憂水患詩即次原韻二首

送廷賓先生分教瓊臺

送林省祭還鄉

上都帥題鳳

送別胡一齋同年還鄉

送王汝學先生

上分巡陳憲僉

輓丘醫官二首

送邢大舍人二首

集

餘

唾

目錄

九

上太守二首

哀朱先生

碧桃紅杏

早朝謝恩即事

燕都偶成

送馮叔貴注選還鄉

文林別意送賴廷英赴貢

送交三首

寓金陵寄家書

贈錦衣衛千戶

送省祭官還鄉

土舍王義官哀輓

黃大理僉憲廣西贈行

唾

餘

集

睡

餘

集

悼亡四首

挽友二首

又挽友二首

輓徵士三首

憶亡妻及孩

又書夢

寓羊城寄弟

萍水

自叙

代龔送友

哭丘一成三首

端午代鄉人會約

送郡博陳先生秩滿之京

目錄

十一

唾

科甲登榮三首

讀家兄近作謹次原韻

玩鶴子

挽甥女死節

送梁大尹朝京三首

永慕

遇韋大尹

送解戶部還鄉

題吳氏流芳卷爲魏章作

次大尹弟晚歸南渡韻

和知州間菊二首

送友人赴試

別周先生乃嗣還鄉

集

餘

唾

餘

集

哀提學趙先生

送友人還姑蘇

送友人上京

永思堂

積善堂

瞻玉堂

上婁參議二首

留耕亭

栢鳥吟

具慶堂

送司訓陳秩滿之京

觀修道路有作

上鎮戎李都帥

目錄

十三

上清理蕭憲僉三首
贈兄會試

送王文明還感恩

送林繡衣還朝

送廷儀之任安遠

送周至德還家

據東流楊景昌首尾吟

寄曲江司訓周廷重

送王戶部還鄉省察

題吳氏養學田

和梁大尹途中風景

次蔡梅軒會後偶成

送李廷玉

睡

餘

集

唾

餘

集

寓中元旦

送別泉友

清明有感

途中有感

送會同徐先生待選南還

瓊臺勝覽送江右蔣舉人還鄉

和梁大尹吳川道中望瓊山

和梁大尹重經赤水道中感懷

送梁大尹考績之京二首

送李廷玉還橫江二首

賀友四十一壽

題陳婦程氏貞烈卷

贈梁大尹之京二首

目錄

十五

和主師周自叙韵二首

送劉汝堅赴春闈

和周鳳軒寄

題成趣園池亭

赴會試南都美人家三首

上二守禱雨有應

上賢侯禱雨有應

上太守禱雨有應

奉和周至德不得志韻

雷氏族譜

范氏族譜

杏壇別意

題瞻雲軒

集

餘

唾

睡

餘

集

別南海何昌先生之南陵

江口舟中元旦感懷而作

謝彭先生欺禮并惠詩巾次韻

謝忱希爲垂教

謝李侍御過訪及惠書

又因所惠書弗全有西漢無東漢有終卷無首卷

無題

爲多情憶別

見農婦插田歌作

舟中重陽次至德韻

都台黃門諸先生寄贈倡和嚴韻見示敢竊效顰併希呈正二首

吳都憲贈兩廣鄉貢舉人次韻未揭曉時

翰林題景

目錄

十七

奉使餽太常卿未會

會飲

睡
松竹

風竹

露竹

梅

遣懷

過嚴子陵釣臺

相府咏梅

赴試白魚入舟

過武城

舟次大廟前有山余方仰止大尹公指曰此狀似小姑山也余因口占一絕

題翡翠

集

餘

睡

唾

題畫翡翠二首

題畫鳳

題繪鵲

題白雉

送林辦事省祭還鄉

寓中見花爲李揮使口號

持傘雨行即事

思鄉

瓊南復覩天日送王汝學復任之京

送別王二守

觀上灘舟中有感

錦衣高戶侯石蘭

棋

集

餘

唾 餘 集

目錄

井深

漁者

魯橋思親

張家灣有感

中秋會賞

新月

送方德明冠帶還鄉

遇友二首

關月

渡建江偶成

咏箴

送別

爲李世昌挽乃丈人三首

唾

餘

集

贈定邑傅侯政滿趨朝序



(南)

歲維丁酉。侯用天子命來宰邑治。既至。則秉廉公。効忠力。宣風訓士。覃化黎元。三載政成。將上獻。百姓請留懇悃。乃不果行。又三載再成。將上獻。請留如初。又不果行。今丁未秋。踰九載。厥政大成。方具蹟書。戒程申令曰。有再留行者致峻罰。百姓聞之。咸惻惕弗可忍。相與焚香籲天。號跳沸野。耆士陳琛輩。趨謂余曰。侯之政教之善。充耳耀目。曠譬如美。洽膚淪髓。痿痺蒙仁。保我羣生。嘉惠一邑者。惟侯是賴而已。茲行且去。吾屬皇皇。眞赤子之失慈母也。將若之何。邇接清規。知侯者莫子若。得侯者亦莫子若。盡爲我面之。余曰。君之意誠切至矣。然知有己。不知有人。知其小。不知其大。君子豈以及己之小。廢及人之大者乎。雖汝定之失侯。世將有大得在矣。夫奚患焉。侯。傅姓。諱霖。時濟其字也。厥先蓋出於傅說氏。作霖雨。濟羣生。於有商者是也。聞侯自少。卓有大志。泊長。有大抱

序

一

唾

負。向以是名字之者。固以是人望侯。侯亦以是人自期也。所以覃德澤於汝邑者。特小試耳。觀其勸學課農。闢田增戶。簡訟息盜之屬。固其所施政教中之餘事。若論其所存。如視事間。思以抑豪強。扶顛弱。撫字惟勤。是其宅心一以愛人爲主。愛人仁之施。仁愛之心。政之本也。得其本。宜其末無往而不舉矣。吾知行將獻最大廷。考居上成。由是 寵命日加。爵秩日隆。以作州郡。州郡之人得之。以作藩臬。藩臬之人得之。或登宰輔理天下。天下之人得之。移一邑之獨得。爲天下之同得。不既大矣夫。且傳說氏以岩野之遺賢。遇明哲之高宗。克成相業。如彼其易且大。矧侯由發育之英才。得際今日聰明神智之大聖。又非高宗者可企。上下交。德業成。足以雨露生而濟天下。不猶易且大乎。陳君于是釋然自解。樂勸侯登途。予復酌之酒爲之歌。使更唱送之。

集

餘

始歌曰。南建之山兮。維石巖巖。蠢吾生之禁禁兮。疇勿爾瞻。胡朝作夫陰雲兮。暮飛晴嶺。轉山移兮。吾誰以堪。

再歌曰。南建之江兮。維水泱泱。流波東溟兮。浩渺滂洋。縱一葦之輕帆兮。載游載颺。逝將焉之兮。爲世津梁。

終歌曰。維江有水兮。維山有石。石不可轉兮。水流不息。若吾侯之遺澤兮。緬吾侯之德。匪水匪石兮。昊天其罔極。歌既闕。侯拂衣起曰。根棘之枝。固非鸞鳳之栖。仰天大笑而去。因緣爲序。

贈鄉貢進士蔣君遊嶠還鄉序

士處天地間。凡所聞見者。皆可以廣知識也。近自跬步之間。遠而極天地之覆載。事事物物。莫不有理存焉。吾生平或未嘗一入耳。一過目。一旦得以聞且見焉。則吾之知識豈不由之而充廣也哉。昔者孔子居無煖席。行而接浙。環天下之轍。故適周問周禮。如宋得殷禮。官問於郟子。樂訪於襄弘。聞滄浪於孺子之歌。辯商羊萍實于齊楚之謠。嚮使夫子泥車闕里。未徧一轍。亦何以周天下之事物而無所不知也耶。夫聖人生知也。見聞猶藉

唾

於是焉。況士無遊覽之知可乎。上饒蔣公。乃江左偉人也。早以神童馳名。甫弱冠卽蜚聲於庠校間。繼而宴鹿鳴。高薦于秋闈。士論允協。持文衡者。咸稱得人哉。得人哉。嘗對策公車。遍歷齊魯關洛湘江之濱。而未抵瓊邑。長吏吳公。乃君故人也。射策不利。授緡瓊邦。一日間千里魚素。稱瓊五指參天。六鰲架海之勝。天語所稱南溟奇甸。誠重之也。昔蘇子遨遊斯土。嘗稱奇絕冠平生。蓋以此耳。子能不遠千里。蓋亦於斯一遊乎。君詢之嚴君及重慶堂。咸曰可。乃杖三尺。望五嶺。梯遠山。航大川。駕風奔潮。倏然而至。公廼嘆曰。嘗聞宗慤願乘長風破萬里浪。子乃果有此志也耶。君唯。作禮。問起居。序寒暄。旣則接賢達士夫。論古人事實。談當世務。凡瓊之所有者。靡不接耳屬目畜之於心。居無何。慮以定省曠。且來春試期將屆。浩然有歸志。璫士所與遊者。勸言以送之。余惟士之所學。莫先於知。尤必貴於行之也。君之學知素明矣。又北走燕翼。東馳閩浙。西踰蜀。南遊粵。以抵于瓊。所歷旣多。則聞見愈廣。而所知愈至。行將報捷春官。必悉所聞

餘

集

所見。對策 天子之廷。逮夫有官守言責。致君澤民。俾所知者。皆得以見諸行事。則君之來而歸也。不徒爲漫遊矣。謹序。

贈潘侯董翰事竣還定序

轉輸之法。所以給餽餉。充國用。自漢唐立法。逮于 國朝法益明備。要皆宜於上而不病於下也。然立法非難。得人爲難。得人則法立而事濟。非其人則法壞而事弛。膺是職者。豈易云乎哉。定安潘侯。爲潯之貴邑華胄。遊庠序。角藝場屋。不偶。廼以賓興登貢監。拜今官。下車以來。惟公道是行。惟恩惠是推。凡百政事罔不修舉。用是邑之士民皆敬信而父母之。是歲秋。其公私所論。謂侯賢且能。宜總督輪職。旣而以余家隣封有生平之雅。來館於予。因察其所徵輸。無苛法。無過取。民是以不怨。漕以舟。陸以車。民是以不勞。旬日之間。舟車鱗萃。不閱月而輸納具完矣。夫以稅糧 國家重務也。轉輸有司要職也。舉至重之務。稱至要之職。下無所病。而上有所

唾
餘
集

宜。所謂得其人而事濟者。此侯之所以爲賢且能也。昔人有言。枳棘非鸞鳳所棲。百里豈大賢之路。將見異時展凌霄之翼。陟富路之位。竭其底蘊以筮筮治道。而 聖天子方賴之以爲得人者。盖又不在今日事也。斯言也。侯足以有待。今且言歸。士友所知者咸榮之。屬予爲序。故書而不辭。

贈掌教陳先生署邑政歸庠序代

政教一理也。以是而正人心謂之政。以是而迪人心謂之教。要皆使民遷善遠奸以臻致治而已。初豈有二道哉。自夫羲農黃帝堯舜居君師以統政教於上。臯陶伊傅周召共臣職以行政教於下。而司徒典樂之設尙矣。洪惟我朝 聖聖相承。所以昭天道。弘人極。以一身之政教。爲天下之政教。慮臣下不能以兼厥職也。故政教各官厥官。使之各專厥職任。爲職易舉焉耳。然則兼盡而並施之者。不亦難矣哉。瓊庠掌學陳先生以乙榜鄉進。拜今官。自幼至壯。所學所行。舉出庠校間。其於政教之道。聞之熟矣。振鐸未踰年。而

唾

餘

集

門墻桃李。鼓春風。暢時雨者。彬彬焉。雖蓬蒿之下。窮鄉遠土。靡不望風而起。師道之立。有足覘矣。先是當路者。作新社教。以董理之責付先生。由郡都州邑以及閭巷。凡使車所不至之地。無不經歷。風俗之美惡與夫民間之利害。無不周知。而先生之令譽日益以廣。迺者舊令梁君秩滿去任。百姓方皇皇然求其可代。卽聚聯狀於分巡憲僉陳公以請于巡撫。公可之。先生奉檄入邑。且治且教。事上御下。一以敬惠爲主。一民之利必興。一吏之弊必剔。獄訟法律。必精必當。理一邑之事。坦然如理家事也。吏民驚相謂曰。吾意先生文學科名中人耳。乃政事之大魁耶。於是罔敢不服。且樂事而親戴如父母者焉。累上狀欲以先生爲令。時旣以年例拘。先生亦非快意。居歲餘。邑有丞自至。先生卽日解篆付之。命騎而歸。衆心攀如莫之能釋者。耆更廂里某等製彩爲軸。追而送之。走幣請叙於予。予昔都憲南臺。撫治南畿。秉賢否之衡。操黜陟之柄。於文教中求如先生者。殆不多見。有必力薦而遞遷之。不但已也。今先生政教並行。其賢有如此。而聞譽之廣有如此。行

唾

餘

集

序

將課最 天廷。寵擢立至。吾願先生益大爾心。高爾志。充爾行。俾爾事業如伊臯周召之爲。躋我 聖君于羲黃堯舜。政教興行。治化隆盛。不徒足以慰瓊民之望。實天下之大望也。書以送之。

八

贈周君彥敷生嗣序

太極判而天地生。天地交而萬物生。生之理一而已矣。天地以一元之氣。運於十有一萬九千六百年之間。而人之生僅以百歲爲期。得與天地同此生理。而不得與天地齊其數。是亦可怪者耶。蓋天地以氣化運行。而人以形化相禪。氣之化者。日往則月來。寒往則暑來。千萬化之氣。一元之氣耳。形之生者。父而子。子而孫。千萬世之身。一人之身耳。人生天地間。能不失其所以生生之理。則嗣厥先貽厥後。世數之傳。可以與天地俱而無足怪矣。此世之人所以重有子也。員山周君芳。德敷其字也。行年 袤有奇。震索一子。其儕爲之喜。斲文以賀。大易有曰。積善之家。必有餘慶。夫善不外乎是理。而

唾

餘

集

慶莫大乎有子也。君爲積善家子。好學循理。能以善自治。是宜被餘慶生賢子。若所謂充閭者也。吾知君有是子。如天上麒麟。如人間鸞鳳。如陟崑山得良玉。如游合浦得明珠。宜無不愛且重者也。於是設之以弧矢。其有事於遠大也。寢之以牀。尊之也。衣之以裳。盛其服也。弄之以璋。尙其德也。所以然者。幸有彼之身。繼此之身也。苟非有以養而成之。烏在其爲愛且重哉。古者胎有教。擇所乳至於能食能言。與夫教之於嬰孩。養之於童蒙。有小學之節。有大學之道。凡此皆所以全其有生之理。而養成厥德。俾可以爲士爲賢。雖聖人可學至也。夫然。故上焉足以保遺體。以承宗祀。下焉足以躋顯榮。興家業。以昌宗。以繇世數於億萬千年。殆與天地一元之氣同運並行。而可以長享餘慶于其間矣。必如是。而後生子爲可重也。周君能愛。則必能教以成之。姑書以重英賀。

贈定邑傅侯元宵燈序

序

九

睡

餘

集

成化庚子之歲。建寅之月。既望之日。於時爲孟春。於節序爲元夕。是夕也。金烏西墜。玉兔東昇。霧捲雲舒。太虛湛若。但見花氣侵人。風光徐來。邑主公益然滿腔。歛衽危坐。謂左右曰。如斯美景。若等亦有所樂乎。左右默默。列門知有對。迺約儒紳洎凡文墨之士數輩。會於琴堂之上。至則延接以禮。列坐以序。又陳酒榖張宴賞。鼓吹之聲。轟如雷霆。燈燭之光。炳如日星。開火樹於涓臾。鬪銀花於頃刻。奇奇怪怪。巧奪天工。爛爛燦燦。華耀人目。凡若近而城市。遠而鄉落。壯者少者杖者襁者以及疲者跛者。莫不爭先而快覩之。闐闐然如歸市。累累然如環堵。抑之而必欲進。驅之而不可退。公莞爾笑曰。好樂之心。人所同也。吾豈得而私之。於是與客飲酒賦詩。陶然酣話。而公之詩蓋先就焉。客有賡公之韻者。有己自爲者。有五言七言者。雖或不同。皆所以鳴一時之盛也。時余位居席末。才出衆客之下。而詩又先之。蓋欲速而不達者也。客固以序命。辭至再三。乃拜手言之。竊惟昔文正公嘗曰。士當先天下之憂而憂。後天下之樂而樂也。孟軻氏亦曰。古之人與民偕

睡

餘

集

樂。故能樂也。夫得所欲則樂。失所欲則憂。人情之常也。與民同樂。天理之公也。譬之居室中。妻啼饑。子啼寒。吾則衣帛而食肉。己得所欲。而彼不得其所欲。是果可樂乎。可憂乎。借曰樂焉。己私而已矣。公理安在哉。吾聞公之於民所欲者必與聚。所惡者則勿施。其所以先民之憂者。宜無不具矣。故今之所樂。亦後其樂而樂者也。使非與民同樂。則民固不得以樂公之樂。雖公亦豈得以享其樂至於此盛哉。余井蛙跳梁。不足以知東海之大樂。若夫模寫而發越之。尤在諸君子之吟咏。姑弁此以爲先驅云。

贈潘公子廷貴榮登鄉薦序

有客自南建州偕胡孟良造予別業龍山庄。揖曰。吾邑贊政潘公。其先浙之烏程人也。乃祖戍于廣右潯州。遂爲潯人。公初業邑庠。進太學生。拜今職。主器名鉦。字廷貴者。侍公來任。天資敏粹。英發異人。不事沉湎。好問博學。問安餘。手不釋卷。躬贊造館。授業于司訓子明之門。今成化丁酉領西

唾

餘

集

廣鄉薦。爲義經之貳。既又來省親焉。吾輩加其學於此。而名成於彼。蓋亦與有光也。敢選言以賀。予不佞將何以言耶。予山庄去公治僅十里。德政仁聲。謫耳聆之。不假言也。公底郡城。嘗一二往還于家。予雖未識廷貴。接其父之賢。則子之賢可知也。所謂不知其子視其父。豈欺我哉。客難予曰。父子之賢奚見。因告之曰。璠之爲郡環海。茫茫僻處遐方。拜官茲土者。每以他故辭去。畏鯨波瘴地也。雖趙鼎稱賢相。父子誓不同往。况其他乎。公領上命奉官。守於極海外邑。不以一毫乾沒爲心。爲君也可謂忠矣。廷貴從父官盡子道於殊鄉遐地。不以千里艱阻爲限。爲親也可謂孝矣。父子孝。德之大者也。非賢而能之乎。且廷貴賢不止此。觀其西長於潯。南學於瓊。惟周公仲尼之道是悅。不以土地自限。載籍有之。江南山川之氣。鍾於物而不鍾於人。斯言則謬矣。東魯生孔子。孔子常生乎。嵩嶽產申甫。申甫常產乎。噫。是不然。聖賢必間世而出。人才不釋地而生。山川之氣。積之既久。發之既大。若馮京之三元。梁嵩之狀元。其餘韻流風。垂於右廣。洋洋

睡

盈耳。凜凜逼人。矧廷賞方弱冠。飽經史。掇巍科。行將 聖天子之明問。顯馮梁之文章。登馮梁之名第有日矣。正宜韜韞翰翻。以儀羽聖世。而輔翼生民。移孝入忠。以齊而治。使道德功業炳炳烺烺。又與馮梁二君子相詔頡。逞一代之英豪。爲後學之口實。豈不休休乎。偉矣哉。予與孟良輩。尙當拭目以觀其光耀。幸毋以予言爲託異焉。謹序。

餘

贈梁聽松瓊臺勝覽還鄉序 代

瓊山大尹公令弟號聽松者。遊瓊將歸。瓊士某輩作詩送之。題曰。瓊臺勝覽。以序請予。予聞時議瓊者。語其形勝。則曰小蓬萊。論其物貨。則曰小蘇杭。評其文藝。則曰海濱鄒魯。予竊異焉。成化壬辰領鐸斯岸。未幾有督興鄉學之行。歷諸郡邑環海而觀之。乃知瓊之爲郡。極天地之南。居大海之中。屹然一州。四無涯畔。蓋古爲荒域。自入中國至于 天朝。大化流行。聲教遠被。職其土者。泄其民。育其物。清其風。美其俗。衣冠文物。煥然盛

集

唾

餘

集

明。今之矯。猶古之矯。矯之盛。又非昔之比矣。古往今來。士遊其間。未有不以得覽其勝爲快。而宋子瞻氏詩云。茲遊奇絕冠平生。其必有所超然而獨見者也。大尹公聞嘗誦此詩而追慕之。旣而述職於朝。復經其家。亦嘗以此稱道。於是聽松慨然相從浮海而南。旣至。日接賢士大夫。相與考詩文。談理道。古今世故。靡不究心。訪深尋幽。登高跳遠。竊島嶼之縈迴。歎海天之汪洋。凡日月之吞吐。風潮之動盪。山木水石羽毛鱗介之奇怪。寶藏之珍異。有中土之所弗有者。皆日賞而心玩之。誠勝覽也。且覽而謂之勝。夫豈以風景之鮮華。物色之俊美。爲游觀之具。縱耳目之欲哉。蓋盈天地之間無非物。物無非理。人惟以理而觀物。則可以盡物之性。可以適吾之情。可以廣見聞。可以充學識。靡皆可觀。而況於遐陬異域。得以聞其所未聞。見其所未見者乎。見所未見。則所見益廣。聞所未聞。則其識益充。由是而語焉默焉出處焉。無非此理爲之用。是則所謂奇絕冠平生者。不在子瞻。而在聽松茲遊矣。勝覽之義。意者有在於斯。若夫模寫煙景。以斲其行色。

諸君子吟咏足以盡之。予言之給驪云耳。

慶周大舍加冠詩序

睡
鳳穴仙雛。鷄羣瑞鶴。龍光射斗。英鍾文獻之邦。鯉對趨庭。秀出詩書之種。振箕裘之世業。眞樸楫之良才。飄飄乎神仙中人。卓卓乎塵埃偉物。魁然總角三加。當弱冠之年。抑爾威儀一變。至成人之道。某覩衣冠之濟濟。想文質之彬彬。頃詣高堂。已見斑斕之戲舞。明登樞亞。尙看章甫之巍峨。謹效蟬吟。用伸燕賀。

重修梁老橋記

集
梁老。邑之名郡也。有橋焉。因都爲名。按趙宋間。里有道術者蘇應麟。置塔河北。募衆劇力爲橋。以通行道。名曰南磨。即是橋之創始也。傳者謂應麟有仙行。識地理形勝。建是橋爲山川鎖鑰。自後民以蕃。地以闢。土多讀書。鄉多賢才。卽其可知可見者。若一臆之何。衍之吳。嵩及齊宸之蔡。皆

唾

進身賢科。名行清謹。盖由山川秀麗之氣。有所關鍵。不漫不泄。不震不騰。得以致其然也。蘇仙遠矣。勝跡悠悠。時移序遷。波衝濤湧。土石基疊之勢。不能以自支。比年以來。塌塌已過半矣。濡來滯往。阻日難時。不便一語。中含萬端。幸而大尹梁侯。五羊人。奉 聖天子命撫按瓊邦。觀省巡行。至乃停驂屬目久之。曰。百里之內。皆我戶庭。群生之民。皆我赤子。病涉之患。豈治世所宜有哉。亟召父老定爲興復之計。已而都臺檄移郡縣修里舍。平道途。欽命廣東按察副使徐公。郡太守蔣公。悉以其事重於侯。侯命長民。里之有士行者。蔡嶽蔡伯元教護董工。鑄其器。鍛其椎。取石於山。尋之。度之。琢之。鑿之。輦者百輪。運者百手。爭奮踴躍。以圖成功。爲通濟之利。蓋徒杠輿梁。固王政之一端也。侯以公明正大之心。惠我瓊民。化行俗美。非一日矣。平政之餘。誠意交孚。可以有爲。此其時也。不然。其何以一呼百諾。一舉百興。有如是之易易也哉。計其功。始于某年。竣于某月某日。高其卑。廣其狹。皆二丈有奇。分植兩欄。爲千六十跨。距兩崖。爲步

集

餘

唾

餘

百餘。歛萬壑之奔泉。控橫流之大勢。由是往來人士。衣無厲揭。足不沾濡。於無地之中。而置之於有地之上。於臨深之餘。而措之若盤石之安。車馳馬驟。如登坦途。矚行瞽趨。不假節相。於是乎橋之完美。其利於人也大矣。且其體製穹而高。延漫而長。如龍蜺。如虹橫。與古昇仙橋。殆相表裡。而山川雲物之勝。氣愈全。秀愈鍾。向所謂賢科諸君子。皆將秉相如之筆。以題其柱。異日高車駟馬。文章氣燄。爲斯橋出色者。比比有之。噫。古相如。今相如。不一相如。庸誌以俟。

建寧亭記

洪惟 太祖高皇帝龍飛九五。虎變一新。以武功定天下。以文教綏太平。列聖繼作。一統相承。雖曰偃武修文。未嘗專文而去武也。所謂有文事者。必有武備。文武兩用。德威並行。迨今百有餘年。萬邦黎獻。四夷咸賓。雖瓊一郡僻在嶺海化之外。沾濡文教治。與中州齒。間者武夫鬪擊。犬夷跳梁。

序

十七

睡

城市爲之騷動。嘗勞大兵以剿絕之。究厥所由。蓋緣主是邦者。既不能懷之以文德。又不能嚴之以武備。如是而欲兵戈之息。其可得乎。若帥主王公。英敏特達。有見於此。故其奉職惟忠。視事惟勤。池城兵甲。凡百器備。罔不飭舉。且以暇日。延接賢達士夫。相與講理道。務修文德。用是軍民斗仰。千里安行。耕食而鑿飲。入孝而出弟。家詩書。人禮樂。披堅執銳之士。方且衣冠其甲冑。而牛犢其刀劍。回視兵戈。可無作矣。乃於公餘。出俸資鳩工聚材。構華亭於爽塏之地。峙兵甲。韜干戈。羅於其中。而藏之上下。取武王建橐之義。以爲亭名。以示不復用兵。古今一意耳。于時文人墨客。咸賦詩以美之。謂宜記諸後。余職文教。幸茲止武之昌期。寧無樂於言乎。竊惟兵凶器也。弧矢以靖天下。豈聖人之得已哉。不得已而後用。雖用猶不用也。如以五帝三王之盛。而有蚩尤之征。防風之戮。誅四凶。伐有扈。克夏勝商。是皆仁義之干盾。禮樂之戈矛。果何害於用兵耶。降自春秋以及閔秦之後。窮兵黷武。無非爭奪之私。合縱連橫。悉皆功利之舉。果無害於用兵耶。今

餘

集

睡

餘

集

王公以一遠方職專職武。乃能收德以歛威。以文而止武。值有用之器。置之於無用之地。於無用之地。而不失乎有用之器。是宜君子游玩而歌咏之。使聞斯亭之名與義。皆知遐外之邦。而息武修文有如此者。則大聖朝治化之廣。超出前古。光被天下。其盛何如哉。敢以是記之。

重修雷神廟記

瓊城西北隅百步許。地名曰下田。田之上。土豐而爽。廣而夷。長崗大陵。左右清泉流於前。綠竹森其後。雖城市溷淆。而獨寂然幽靜。亦地之靈者也。昔人就是爲祠以事雷神。歲時奉祀。祈禱無不應。蓋神靈雖在天。而昭格尤異者。豈非吾人敬崇之得其地也耶。創建以來。修營凡幾易。天順癸未廣東按察司使鄺公來巡是邦。加意百姓重祠之規模復振。惜其有司取其目前。未幾而弊壞也滋甚。禱者祝者往來其間。視之靡不惕然。未有能興之者。成化戊戌里人唐重器瑜陳秉和嘉乃商畧爲興復之舉焉。緣郡衛公以至

序

十九

睡

廂廊士夫。多捐資費以給用度。用是鳩良匠。聚美材。請命于一守馬公。而大尹周公實董理之。肇工於是冬之旬月。不旬日而告成。大抵舟車人力。皆其所樂。抑亦神助其速如此。正中祠堂三楹。旁爲便室三楹。前爲廟門又三楹。繪椽護拱。黜黻聖壁。神像則仍舊而文飭之。凡皆煥然一新。之視前制堅美有加矣。旣以酒脯落神且饒。而余與焉。有客洗酌進曰。夫今日之爲此者。將以奉天神。造人福。非細故也。願有神而志弗忘。余曰。天人相感。多福自求。理則有之矣。予謂此祠一設。將神專在是。一福可必求耶。書曰。天道福善而禍淫。易曰。鬼神害盈而福謙。蓋天地間。無非陰陽。陰陽之氣。無非鬼神。而雷之爲氣。實秉天之號令。有威可畏。有聲可聞。或無形可見。其作福作威。尤爲顯迅。人能誠心爲善。則鬼神應而獲福。不誠心爲善。則禍已隨之。福其其可得乎。間有反是。則曰天弗明也。神弗靈也。噫。是豈理也哉。殊不知爲善而反禍者適然耳。爲惡而反福者亦然耳。庸知報直。不在于其今。不于其將來者乎。若乃不務爲善。而惟惡之爲區區楮錢酒肉胥神

餘

集

以邀福者。則惑之甚者也。信乎。聖師孔子。有言務民之義。敬鬼神而遠之。誠如此言。則此廟可以長保。壽可以長享矣。故記之。

唾

莫君簡居敬字說

餘

建江莫居敬。冠帶尙義公第四子也。孩孺時。家人以行次呼之。習以爲名。既長。篤志而好學。端重而純簡。公易名曰簡。加元服。賓字居敬。姻表周彥華謂宜申其說。余不佞暖古形容。謹原厥意而說之。昔孔子許子桑戶簡。冉雍曰。居敬而行簡以臨民爲可。孔子從而然之。良有以也。夫不煩之謂簡。主無適之謂敬。敬與簡皆美德也。彼所云者。蓋居敬則有主而自治嚴。居簡則無主而治疎。故行簡必敬爲之主。不然。則太簡矣。可乎。且人之有敬出于其心。心者人之神明。敬則一心之主宰。萬事之根本也。人之敬莫如神明。心則神明也。敢不敬乎。古之聖人齋戒。以神明其德者。敬而已。淵默雷聲。尸居龍見。敬吾神明於至靜也。出門如賓。承事如祭。敬吾神明於方

集

說

二一

動也。齊明盛服。非禮不動。恐褻狎吾神明。非敬也。不邇聲色。不殖貨利。恐汨沒吾神明。非敬也。洞洞燭燭。如執玉捧盃。戰戰兢兢。如臨深履薄。凜乎吾神明之如在也。敢不敬乎。吾能敬吾神明。則吾心靈。吾氣和。吾身安。行之君臣而君臣安。行之父子而父子安。行之夫婦長幼朋友之間。與凡

餘
應事接物臨民之際。何適不安。是皆吾心變化之所爲。無非一敬之所主。故曰敬者。聖學之所以成始而成終者也。學思如聖人。寧不以此自居。謂之居敬。猶人之居家。敬猶家主也。簡猶家衆也。主得其居。則御衆有道矣。吾願子始終以敬自居。其無失乎冉雍孔子之意也。其無負乎命名說字之意也。

集

楊君泰鍾大字說

成化庚子十一月陽至後。余鄉友數人暨戎長楊君泰俱至。次金陵客中。咸叙時令。僉曰。自余輩來時。歷否而坤陰盡。陽生而爲復。又不幾何而爲

唾

餘

集

臨矣。比至京師時。其泰矣乎。于時楊君泰。惕然應曰。泰之義如何。予曰。泰者、通者也。正月之卦也。一歲之運。至于七月。陽上陰下。天地不交而爲否。乃至正月。陰上陽下。天地始交而爲泰。否極則泰來。時運然也。君曰。然則吾當生七月。而先君以泰命吾名。意者其在茲與。因以字請於余。予觀泰之一字。見於經傳。義出非一。然以楊氏得名之義推之。其有取於易卦明矣。且卦之名曰泰。泰之占曰小往大來。小者陰。小人之道也。大者陽。君子之道也。當泰之時。君子道長。小人道消。則是小者散。而大者聚矣。夫大莫於天地。人具天地之道以生。身雖貌然。而道初非不大也。惟不知其大而大之。適足以自小焉耳。是不可不思所以大之乎。大之則凡內而成已。外而成物。近而爲家。遠而爲國。以是施諸人物日用事物之間。無適而非是大之所鍾聚矣。矧君生以泰名。身處泰時。正大來之世。亦見有長我之任。苟能以大自期。而不以小自居。則將來之所就。孰可量焉。用是字之曰鍾大。大而加以鍾者。從乃兄英鍾美而言也。孟氏云。充實之爲美。充實而有

光輝之謂大。此又說外意也。或能觸類長之。無所不可。故說。

啓瓊邑父母書

唾
餘
集

生不親教化。忽歲有餘。然而厚澤所濡。未嘗以久遠或忘也。且將向行時過蒙華駕。光賁寒閭。餽賜良多。曷勝榮荷。去秋舟次西江城下。適會令弟舍人。延禮甚款厚。是皆餘惠所及。感佩甚甚。乃欲僭拜高門。奈舟行不便。惟舉目雲鄉一稽首而已。八月行舟南都。用命進見內翰徐大人。九月至北畿。又嘗造謁貴鄉名公。各皆動問興居甚悉。生污不敢阿一二。舉以正對。諸公皆甚喜。况大人清譽。久著京邦。尺詔遙臨。喬遷指日。弟恐吾鄉父老不識。能如借寇否也。生今初夏。始得考試。五月入南雍。碌碌循禮。他無足道。但今在監人數。僅五百零。大約遠者二載餘。近者不及二載。皆當有歷。然尙三載後始可還鄉也。草附不悉。

啓僉憲林公書

唾

僕曩者進參鳥府。厚辱青眸。每置心銘。未由躬拜。既又錫以中庸講義漢雋二書。時僕在庠校間。闕於拜受。惶愧惶愧。泊歸得之。盥手披閱。自覺心目開廣。如出覆盆之下。而被太陽之炎。其喜幸爲何如耶。且二書皆遐辟所未有。惟大人知之。徒惠乎我。蓋講義一書。示以本領之學。漢雋一書。示以博通之學。仰茲至教。被錫多矣。第愧碌碌庸庸。憤悱不發。且以樊籠之鱗。不得托龍門之對。徒得其書。而不能知其所以爲書。是惟虛所賜之是懼也。然不有金玉則已。有而藏之。久而玩之。必思以之爲器爲貨。用資有不可易勝者焉。此所以必什襲之以爲終身寶。但愚匪席珍。莫伸瓊報。謹修拙墨。以代謝忱。

餘

集

啓高千兵書

廣城判袂。北去南來。參與商者。秋復春矣。天長海闊。鴈香魚沈。仰北斗之光。誦中心之句。悠悠心曲。向誰論哉。特托一夢中耳。於戲三秋一日。萬

書

二五

唾

里一心。豈亦有區區念耶。古之人白首相知猶按劍。公之於僕邂逅於萍水間。論心於時月。頃而相知。念有如此。曾所謂猶按劍者乎。竊思之公以宏碩之德。英俊之才。上親明主。下列詎辟。且得逍遙宇內。歷覺方外。所見着天下事。所識者天下理。所友者天下善。如僕一介之微耳。而乃在所友所愛之中。公豈我私耶。良璞之玉。鹽車之馬。一遇和陽。幸亦甚矣。方其於始也。一握手間。歡如平生。既而陟層巒。臨清流。批風抹月。追古賞今。或談或笑。或醉或吟。其樂僕也同深乎。既又陳禮具殺。偉以祖餞。書籍珍物。重以餽臚。其惠僕何厚乎。行則載瞻載隨。且別且携。徘徊繼繼。各不能離。追言及此。惟我心知與公心知之乎。昔有一飯之恩而千金報。僕匪土石也。忍負盛恩耶。雖然。公固不以是望生。生亦非是念公。所念者義而已。一生之義。不以千萬里而有間。不以千萬變而或移。歲寒之天。寧使松栢之落乎。區區身計前程事。公所習知。他無足道者。緬維公吉人天相。納福倍常。足慰足慰。南鴻之便。謹候片箋。茲值宗姪某爲宗兄某會試春官趨視

餘

集

焉。將候在旅之以爲貢。姑述平生之好。以寄寸心。兼致欠缺之敬。于時梨雪生花。檀烟凝眼。惟冀珍調修膺景。以鍾後會之情。不宣

啓陳師署崖學書

唾

伏自客冬拜違尊範。計今已越半載。起居曠侍。訓誨久乖。徒切葵傾。敢忘顛沛。第恨天淵懸絕。雲山迢遞。未由握衣於左右也。嚮者老劉往省。生以薄疾于家。不及貢書。乃因劉醫士及永童旋。備審得知與居康祉。動履清平。甚喜之。且聞授受間親炙彌衆。生竊懼吾師之化。其大興於彼也必矣。不勝仰賀。生輩自彭師去後。與周師俱喜循常。且事各盡其所當然而已。今憲司方巡法度。嚴謹加意庠校。每致明倫堂。講論題意。且詔諸生有疑必問。皆與辯說。屢開示後學進增廣生。俱偕主都問躬臨伍行獎。其與師道治道相成。是亦吾徒一時之幸也。但生茅塞日蕪。慚無精進。傳而不習。罪莫逃矣。惟吾師見錫言旋。以紓山斗之仰。是所望也。大哥及小哥各各平安。免

餘

集

唾

勞遠念。家中及此間所有一應事情。永童到日。必能毛舉上白。茲不悉陳。深愧乏物爲貢。敬裁寸楮。以代問安之敬。兼成俚語一絕于末。以申景慕之意。惟時孟秋。伏冀時加調護。以壯歸程。不宣。

珠崖一去半年餘。千里何由問起居。夫子在陳非久志。蚤懷吾黨咏歸與。

啓韓文瑩書

餘

僕不佞辱居契朽。沾麗澤有年矣。戊子秋。並轡雲程。兄先得焉。一龍一豬。判爲兩途。雖然兄之愛寧間於斯耶。今歲京闈。意者兄上春官。區區必肩隨至廣。得以叙平生酌遠別情足矣。詎意舟發最先。追不可及。六月中抵羊驛。但見晴雲黯黯。逝水悠悠。北望悽然。發一長嘆耳。德昭倫誦兄垂念甚切。至感激于中。不知何自忘也。緬維尊兄萬里扶搖。大展冲霄之翼。與鸞鳳爭頡頏。來春報捷。吾洗耳必矣。區區刻鵠不成。尤恐鷺之弗若。今秋之事。猶未度其雌雄若何。噫。歲月難延。江山易老。兄寧不爲我厚顏者一

集

赧然耶。茲寓旅中乏貢。謹將經素以達蟻忱。辱下荷風蕩暑。槐雨生涼。惟冀順時以休。

唾 啓宗兄書

山違川阻。月望雲思。在鄉曲朋儕猶然。而况宗族父兄者乎。緬維老伯伯諸叔叔諸弟姪。老者安。少者盛。日叙天倫。交修人道。良足慰矣。然而遠日長天。翻雲覆雨。各不知幾陰晴幾歡悲矣。遠言及此。寧無動念乎。惟兄家居。教養之餘。功業精進。春闈捷。深厚望焉。且聞天曹銓期已至。趣修程。登要路。日夕可企。視某愚苟延歲月。誠有耻爲吾兄道者。今雖出在監。勞碌甚於在庠。奈何天命人事。舉弗人若。姑隨分俟時而已。所愧年幾不惑。將蒙不孝之大罪。汲汲皇皇。歸計罔出。如觸藩之羝。不知若之何而可遂也。吳朝舉欲告歸養病。唐克佐兄及某。只得守常。即今坐班人不滿八百數。來科事縱不可知。大約三年亦當得歷。但腰纏貫短。慮牽拽不過。家人遠歸。

唾

餘

集

引

三〇

爲此故耳。倘念及窮途。上與諸兄長會寒門兄弟勸濟一二。是所望也。來時俱辱列家盛饒。感非淺淺。茲便中草奉。希爲達意。是祈。

上督學趙大人詩引

鱗

愚聞逃虛空者。聞人足音。蛩然而喜。况乎昆弟親戚。警欬於其側乎。蓋方淪落於寂寞之間。淹滯於阨窮之力。一日有遭遇。如困焦枯得霖雨。如著暑熱遭涼風。其所以喜之者。豈故爲之。必出於本心之誠然者也。以愚身觀之。適有類於斯者焉。謹按鱗之先本閩泉晉江縣陽林里人。先祖好翁以有宋建炎間來瓊。自後宋步日况。元運寢興。奔馳於群雄角逐之秋。浮沈於四海鼎沸之日。以故淹留異土。遂阻歸航。因籍乎瓊山之蒼原里而家焉。迄今歷年四百有奇。傳世一十有二。子姪宗叔不下四百人。皆事耕鑿。習書禮。歷宋元以及我

明。雖未嘗有顯宦。其接踵仕途。濫名科貢。著代有之。是固遠祖開先之餘

唾

澤也。先父經以乙榜忝倫教職。愚親庭訓。未成童已適入學。幾弱冠濫竽廩。今年踰二裘。身歷四科。淹滯於硯席間。亦已甚矣。汲汲皇皇。恒以不識故國所自出之祖。猶落葉浮萍。悠悠無所根著。惡在其爲人乎。昔邾子能言其祖。舉世誇詡之。愚非要譽也。爲不識吾祖宗。不能不有所追慕而悵感感之者也。仰惟

餘

大人以豪傑偉才。膺斯文之重寄。風化所係。且出於我祖宗之國。巡教於父母之邦。愚一獲披覩。如親見祖宗之面目。如聆警欵於癡閭親戚之前。奚翅聞足音而蛩然者。其喜幸何如耶。矧愚淹跡。未由自振。乃援出於大人之手。豈川亦吾祖陰靈。意有托於其間者。其喜幸又何如耶。愧戴盆無以望天。是以言不憚煩。希以自達。且傾愚見成俚言四章。以爲大德萬一頌。罔敢言詩。幸冀以酬。或愚他日問祖尋宗。有所張本而爲主者云。

集

端午代鄉人酌會詩引

一引

茲以月姤一陰。候當五日。正天中之令節。乃世上之良辰。荷風來十里之香。艾虎去千門之毒。引蒲觴而對酌。慨流水以高歌。齊歸仁壽之天。用慶昇平之樂。片言莫罄。四律並成。

闌門詩引

餘
茲以藍田日煖。覩種玉以光烟。孔雀屏開。喜彎弓而中目。蘿帶遂同心之夙願。赤繩定繫足之良緣。未看二月天桃。已見三星在戶。竊關關而作詠。期燕燕以于飛。免開阿堵之唇。請咳珠璣之唾。

又

集
藍田種玉。已聞伉儷結良緣。青鳥脚箋。又報門闌增喜氣。當半月圓光之日。正三星在戶之期。風雲會裏快乘龍。簫鼓聲中欣奠鴈。敬陳鄙句。用慶良緣。毋辱拋甌。將以引玉。

贈定邑傅侯重建公堂上梁文

唾
伏以南建故州。定安新邑。天分南極。地隔中華。宗一郡而抗四夷。隣三州而友九邑。坐山高峙。回龍盤顧主之形。朝案鋪恢。飛鳳舞臨田之勢。一水

餘
若垂紳束帶。羣峯如列隊排衙。巍巍拱台座之尊。總總聚蜂屯之象。誠百里依歸之要地。爲一方形勝之名區。欲聳官瞻。允宜興構。載惟邑主 傅侯臺下。堂堂風采。楚楚星標。德有爲而行有守。義可尊而事可法。作生民之父母。爲公侯之腹心。乃當治化之餘。渙起經營之巧。掃將顛于已舊。回既倒

集
于方新。庶民子來。以効其勞。百工居肆。以成其事。運起轉盤之利器。曰斧曰斤。鳩聚用世之良材。惟松惟栢。建一朝之盤石。弘萬世之規模。七架五間。盡是庇民之厦屋。四維百堵。無非護國之藩垣。發號施令。咸出於斯。布德推恩。舉加諸彼。民欣欣有喜色。雀躍騰歌。余空空如無知。燕來仲賀。謹陳工祝。僭瀆侯聽。

梁之東。東窗曉日一輪紅。紅光高照無私照。照遍逃亡白屋中。

睡

餘

集

梁之西。西山雨過稻梁肥。肥民瘠己恩勞大。大用才能濟盛時。
梁之南。南觀尖嶺石巖巖。巖巖好似公高表。表正群生具爾瞻。
梁之北。北辰穩穩居垣極。極邊列宿拱辰光。光應郎官昭顯德。
梁之中。中心一點抱孤忠。忠君愛國賢良宰。宰輔遷時祿位榮。
梁之上。上梁好聽工歌唱。唱聲高處祝天皇。皇圖鞏固山河壯。
梁之下。下民無事時清暇。暇日公能擇可勞。勞而不怨勞之者。
梁之前。前官誰似後官賢。賢把傾頰都整却。却教千古望高堅。
梁之後。後堂地闊還堪構。構成廣廈千萬間。間架巍峨均庇覆。
伏願上梁之後。泰山之固。盤石其安。立正位而處廣居。出公門而行大道。
處百物于幷幪之下。囿四民於壽域之中。鷄鳴犬吠有那其居。雀角鼠牙無
穿我屋。桃李家家沾化雨。絃歌處處謫春風。蕩蕩乎世道天開。昭昭乎人文
日朗。治隆俗美。國泰民安。

贈定邑莫君新居上梁文

唾

餘

集

邑治之東距里許。有山崇而表。盤紆蕭鬱。堀然岬然。而又垣然背高而面下。左流而右峙。竹木藩其畔。崗陵列其外。有畚田數頃。聚廬數間。名曰新屯。莫氏族居之。莫氏祖曰眞成。曰宣寶。仕元爲參軍知前南建州事。自厥從兄姪訓經術。膺散官者有之。環橋門。游泮水者有之。富貴順達。彬彬迭出。地靈人傑。有足徵矣。謂先嚴某。乃隱德弗耀。傳家以詩禮。謂讀書知義。克世其家。以族大且蕃。趾居弗稱。卜於其山之麓夷峻以築焉。地位峻整。材木貞良。棟宇門墻。高下內外。具以法。視前益加美矣。落成。挈家胥宇。于是以泰先祖。以翁兄弟。會賓友。上則樽俎張其宴賞。琴書適其清暇。動則乘堅策肥。漁深獵幽。或高登而遠眺。或暮歌而朝遊。麋鹿爲之前後。鳳月恣其依依。其可樂乎今日者然也。自是而後。若子若孫。鍾山川之秀。挹詩書之馨。振喬木之聲。登科入仕。耀功顯名。口肥甘於鐘鼎。曳輕美於廟庭。光前啓後。生沒咸榮。其可樂於將來則然也。故莫君之新爾居也。爲一身之計云乎哉。一時之盛云乎哉。君所善瓊士員山周叔輩徵序於余。且

文

三五

誦其梓人上梁語。予聞而嘉之。因併附之以壯其賀。

梁之東。東江一水繞盤龍。龍盤有日風雲起。起作甘霖洗太空。

梁之西。西山穩穩白金鷄。鷄聲唱徹花村曉。曉色春莊雨一犁。

梁之南。南來一嶺接雲巖。巖前美種多仙桂。桂有天香更不凡。

梁之北。北崖高擁游巖宅。宅邊桑梓宅前田。田里輪君豐粟帛。

梁之上。上棟美輪高古樣。樣如新景蓬萊宮。宮裏琴樽欣萬狀。

餘 梁之下。下字堅固好間架。架中多蓄鄴侯書。書教兒孫貴無價。

武畧將軍張公墓誌銘

公諱勝。字適中。其先燕人。大父某以

太祖高皇帝飛龍御極之初。自輔從戎以奮武。定父某善繼述。東征西伐。克
有成功。累遷至南京留守中衛鎮撫。封武勇將軍。代襲封爵。自少壯時。才
氣高邁。神表丰峻。如所謂巖巖峙壁立千仞者。蓋真英傑士也。世降隆平。
公弗專武事。兼修文德。立心制行。卓然大過人。其事長恭而弗諂。撫羣下

睡

慈而有威。處同列則和而易。治公事如理家事。罔或怠違。京師輿議。能舉斯職者。必以公爲稱首。雖僕夫賤隸。咸知公名而增慕之。以故都大總戎襄成伯聞而嘉譽之。委以擒寇盜。理諸刑獄。公受命。實心且勤。未幾。盜日息。訟日平。刑罰日以消。而城市安堵無騷擾。至於里巷貧人婚娶喪葬之弗能舉者。輒捐貲濟之。其樂善好施又如此。行年幾六秩。卽謝事家居。以其官爵援子衡。尤端重謹飭。足以弘先緒。用是公得以放情事外。心逸日休。而享有餘福。有不可涯涘者焉。厥配宜人葛氏梁氏邢氏皆有賢行。生子二。長曰衡。娶華氏。續娶潘氏。次曰衍。娶劉氏。女四。長適南京廣洋衛所正千戶王雄。次適鎮南衛指揮僉事宋鑑。三適廣東鄉進士司訓陳經子太學生縉。四適江陰衛指揮僉事子繼承。女孫三。長許聘龍虎佐衛指揮使榮子珊。公嘗暇日對諸子孫慨然曰。汝輩成立。家室且宜。吾瞑目無恨矣。乃歲化甲辰某月某日疾終于家。計其始生之年。爲永樂己丑。實享壽七十有六。以九月丙申歸窆于都城北鍾山南之祖塋。嗚呼。匹夫殞身。暴之原野。過

餘

集

者見之。猶有哀也。矧公富貴顯榮。福祿壽考。與其德善聲名洋溢在人心耳。千載而下。仰其休光。固有不能泯者。誌而銘之。弗敢廢禮云。

銘曰。卓哉將軍兮。武歆忠良。都城鎮淨兮。妖氛以降。丕承功烈兮。邦家有光。貽厥孫謀兮。世祿彌昌。天遊浩浩兮。白雲之鄉。佳城鬱鬱兮。青山之陽。雲回山峙兮。終古茫茫。英風飄飄兮。雲山其長。

壽官周公墓誌銘

公諱鼎。字永元。先世閩人。宋末來瓊。家居東洋里之員山。歷世滋久。厥族彌昌。始巡宰公登仕版。自後科薦。繩武有人。公風儀清楚。天賦淳美。好學問。探理趣。經傳子史百家之書。若詩若騷。莫不該貫。至於古今世變隆替得失。舉克達其大。居家尊卑秩秩有倫。舉鄉曲踈戚黨族雍雍有睦。見賓客。雖褻且少。必衣冠以貌。嘗集諸子姓弟侄。或諭之曰。人各有志。有樂志於山林者。有行志於天下者。天下之志。若輩爲之。山林之志。吾自取也。自

唾

餘

集

睡

餘

集

與耆舊數君子。或舟或履。或釣或弋。得美而茹。得鮮而食。翫賞於花鳥之晨。嘯吟於風月之夕。可謂能樂其樂矣。既而乃弟昇泊若孫賓繼膺鄉薦。厥子四。昌厚發孝。姪三。振學。振文。振運。孫孟。多習經書。事舉業。穎試不偶者有之。方舉未就者有之。工於詩。學於禮者又有之。女二。皆賢德。長適張朝。次適陳敏。甥孫陳鍾芳諸輩。亦漸染知學行義。其教澤之施於家者。又如此。公餘事皆能。而尤精於脉理。凡民有疾。期之必至。至而察脉。隨指厥證。醫無不治。嘗爲百夫長。當十載之輪。掌編圖籍民數租稅。必精必明。無絲毫慝。鄉人德之。號十年公。蓋嘉其長人治事之公。非徒老大之稱也。其德惠之及於鄉人。又如此。先是。有司聞其賢且耄。累敢爲鄉飲禮大賓。值當今

皇帝嗣登大寶之初。下推恩詔。公首膺是舉。服仕官。著冠帶。郡邑諸公旌幣禮躬造。老稚爭覩。咸以爲榮。其被恩於國。又如此。茲享年八秩有奇。忽東首北牖。就正寢而終。將以是月二十五日歸窆神域。子厚輩痛其永訣。

以予于公爲甥孫婿。習知公爲人。遣禮命狀誌。姑以吾瓊觀之。際斯會服斯服者。奚翅百人。求其德及邦家不負國恩。克稱厥服者。公一人而已。敢不併是狀誌而銘之。銘曰。厥德維何。介然有守。厥行維何。毅然不苟。厥貌維何。鮐背黃耆。厥服維何。帶腰冠首。厥祿維何。因無而有。厥壽維何。踰八望九。厥厝維何。青山之口。厥澤維何。垂世悠久。

處士何公狀誌

成化辛丑夏六月。縉進業南離。秋七月有自故鄉來者。與妻兄諒計妻父員山公書。且令作狀及誌銘。縉痛哭幾絕。又旬餘。乃能啣哀竭誠追思狀之。公以永樂庚辰某月某日生。卒於成化庚子九月。享年八十有一。某初娶時。公已六十有八。所及見者。僅十有四年。雖未遠觀公平生歷履之詳。然以所見會諸所聞而畧言。其庶幾有實而可舉也。公諱淑。宋進士一黜之後。元學祿某之幾世孫。我

唾

餘

集

唾

餘

集

皇明處士某之第四子。爲人丰姿魁岸。賦性醇厚。操行方直。自少喜讀書。歷代子史以至陰陽醫士之文。靡不涉獵。與之論古今世故。皆鑿鑿有見。世居邑里梁老之壘村。旣長。以有先業于東洋員山。乃擇配周氏。來就胥守。因號員山公。蓋取其山之可樂。川澤之可漁。而膏腴之可田也。及其旣老。則又復于其故里村之名亭者定居焉。蓋審其田廬之可廣。而子姓之可久也。先是。公在員山。去舊家不外十里許。且夕必以所田漁者。歸爲奉先養親之具。而於加日令時。翕兄弟。合宗族。與凡賓朋嫺姪之往來慶賞宴會。胥焉此充未嘗缺。而彼此兩鄉之人。亦未有不欣慕而喜好之在也。公之父母諸兄皆先世。同姓弟姪子孫有過。則召於前斥而教之。能改則止。由是無分長少。一惟公是則是憚。而家政實井井焉。家世爲百夫長。公膺若職。凡租賦之輸於官者無半侵。其徵於民者無蠹蝕。而於落魄縣力者尤加恤之。有以不平鳴者。但平其曲直。而不追其旣往。故雖閭閻小人。亦皆革面滌心。爲公所短。而服公之公而能恕也。其壯盛時。推己及人。事多類此。若夫

唾

晚年之事。吾見其日居高堂。鬆鶴髮潤駝顏。時與耆舊數人。舉觴接杯。以風月爲笑談。慨煙霞而嘯傲。不知有己。亦不知有人。歡欣快樂。以終其天年。舉莫知其爲無懷氏之民。葛天氏之民也。公既往。克世其家者有二子焉。長曰諒。娶員山周氏。次曰謹。娶宅念曾氏。女三人。長適澄邁李其子。次適同里前宣化知縣吳衍姪某。二適蒼原前武緣縣學訓導陳經子太學生鱗。女孫一人。適同里蔡某子廷珍。至是子女咸有家室。配周氏則先公二十年而卒。亦悠然無歎矣。嗚呼。人之有生。疇克弗死。鄉閭生平爲行。至于壽考令終。如公之爲人者。亦幾何耶也。謹泣血書之。

祭何丈人文

成化十七年。歲次某年。某月。某日。國子監監生陳鱗。聞凶訃。泣血爲文。使人齋回。謹遣弟紳遠具牲羞酒醴之奠。敢哀告于嶽丈何公之靈曰。鱗自垂髫鞠育惟母也。及大旣冠。始克有婦也。婦少失母。惟母乎吾之母也。吾

集

餘

唾

餘

集

少失父。惟父乎婦之父也。形影相依。賴所主也。骨肉相投。保此孤苦也。父之視我也猶所生。非曰半子也。我之視父也猶所怙。非曰外父也。敬之順之。未敢有所忤也。撫我愛我。未嘗有所惡也。思我與婦。同此感慕也。愧彼慈烏未及反哺也。痛我婦兮。胡先逝也。棄我獨兮。無所措也。遺厥女孫。且孩孺也。併傷父心。裂腸肚也。哀彼之亡兮。不辭衰耄而安厝也。念我之存兮。不以生死而易慮也。我方在庠校。拳拳然惟斯顧也。我方上京師。油油然不忍去也。送我于門庭。沾濡如淚雨也。勉我於功名。叮嚀以心語也。想惟父之康強兮。雖百歲其可許也。俟乎我之來歸兮。冀一朝之可睹也。夫何極目不相見。永違丰度也。側耳聽平安。却聞凶訃也。寸寸斷吾腸。刀割難踰也。汪汪傾我淚。河決難注也。號泣于旻天。天高莫訴也。匍匐于后土。土深莫諭也。迢迢萬里途。欲奔何阻也。戚戚方寸心。雖切何補也。嗚呼痛哉兮。父之盛德。宜天命之久固也。嗚呼惜哉兮。父之善德。宜神明之薦祐也。胡天命之靡常。而神明之註誤也。抑予愚之不德。而天神之遺怒也。不然。何

文

四三

唾
 罪咎之戾及也。不然。何天神之不護也。使父終蓋棺而不得一窺覲也。使我遠靈輻而不得一推御也。哀惟二兄兮。執喪外事也。哀惟二嫂兮。執喪內助也。哀惟二女兮。我婦不數也。哀惟三婿兮。我身不與也。俟他日之歸視兮。一坏壤土也。乃今晨之訣奠兮。千秋終古也。我之痛言兮。瀝斯肝腑也。父其有知兮。悲斯情慕也。尙享。

餘

祭蔣太守夫人文 代

惟靈。坤元懿德。婺宿精英。冰霜斯冽。蘭蕙斯馨。內相夫子。外福群生。閨門之則。邦人之稱。嗟哉蒼蒼。有德受殃。坤迷其道。婺隕其光。冰條其冽。蘭失其芳。其命靡常。人誰不傷。尙享。

集

祭吳都憲文 代

惟靈。山川秀氣。天地精英。國家石柱。將相儀型。百僚綱紀。兩省鈞衡。德

唾

綏猛虜。威振邊城。妖氛汎掃。海宇清平。憂分聖主。名重神京。嗚呼。公之生也。以莫大之功。既尊顯而寵榮。公之逝也。以莫致之命。復壽考而令終。惟汗簡流芳。其垂名於不朽。與甘棠遺愛。而仰德於無窮。某等遐守屬都。警悼不已。望奠一觴。傾心千里。伏願顯靈。共來格止。尙享。

祭丘節母李太太夫人文

惟靈。英鍾婺宿。秀出蘭宮。冰霜厥德。金玉其容。共姜之節。惟一是從。孟母之賢。教子登庸。鳳鸞一舉。霄漢高冲。騏驎一出。羣馬皆空。文魁翰苑。道濟二公。南州冠冕。斯文祖宗。克子之善。惟母之功。有節有教。婦人孰同。義彰一世。聲達九重。高門旌表。官誥褒封。榮華富貴。壽考命終。訃聞京國。悲感宸衷。式頒諭祭。恩禮至隆。無中僅有。千載奇逢。始終無忝。生死英雄。九泉英氣。萬古高風。念惟懿德。景慕何窮。犧牲既潔。奠獻惟恭。神其來格。穆穆雍雍。尙享。


集

餘

文

四五

集 餘 唾



文



四六

感舊

翁壽七十春。慶生七兒子。傳家良有人。功業皆由己。既不忝所生。又何憾於死。哀哉酒一杯。荒草斜陽裡。

其二

光陰如過客。塵世一夢耳。七十古來稀。百年亦無幾。學已成麟角。名彰附驥尾。後古人而生。不先古人死。口口復令終。如斯而已矣。

別友步原韻

青青水間萍。綠綠萍間水。萍水兩相逢。江湖一團美。自春還自秋。于沼更于沚。到處可滋培。隨時任榮萎。忽聞波浪聲。便覺金風起。吹動楚天頭。蕩開越江尾。何期萍水交。判爾參商異。聚散無定期。往來亦常理。矧余有生身。本自無根蒂。生養天地間。遨遊山水裡。大收滿腔春。充塞浩然氣。萍水俱浮遊。匏瓜那着繫。用之則流行。舍則隨坎止。奮發雲水邊。激昂霄漢際。風雲慶會時。日月重熙世。郵治昭文明。

詩

一

集

餘

唾

又兼修武備。英雄文武才。將相公侯位。何事不可爲。能行亦自至。肯
爲遊子顏。勿棄男兒志。功業尙可圖。別離那足計。今日萍水邊。分却
金蘭袂。只在兩儀間。何愁不相會。

過武城

叢爾武城邑。今城仍古城。城郭雖然是。人民日已更。當年子游子。曾
宰治編氓。轍環孔宣父。過此訪門生。不覺莞爾笑。笑聞弦歌聲。于今
莞爾笑。笑無弦歌鳴。莞爾貌則同。莞爾原異情。遙遙千載後。何人育
群英。

萬竹軒

先生偏愛萬筍竹。君子林中處幽獨。披月凌雲節節高。連軒累檻猗猗綠。
榮華生瘁本無心。清風明月自古今。箇中龍種無窮趣。低葉時來有鳳
吟。

題丞君山水

睡

餘

集

君家一幅畫山水。勸我題詩在畫裡。我觀山水真絕奇。歷歷江山鮮堪比。
欲比蓬萊山。三島有其間。欲比桃源洞。桃源千古成幻夢。不是蓬萊
山。不是桃源洞。金陵好風景。只在箇中看。春雲入樹暮山碧。秋波打
空烟水寒。水光山色交相映。泛泛孤舟幾亭榭。簑笠巾裾山水間。阿誰
還是仁智者。智者却樂水。仁者須樂山。樂山壽彌久。樂水樂自寬。二
者自爲二。一之良亦難。君能樂山復樂水。山水兩全仁且智。今看山高
兼水長。壽考無疆樂不已。我今寫此爲君歌。此歌不入俗人耳。

爲傅本榮令器啓蒙學書作

山下泉初出。涓涓澈石流。污泥沉澗底。活水有源頭。河海汪汪日。魚
龍躍躍秋。箇中能變化。霄漢任遨遊。

晚歸

雲外橫歸鳥。松梢掛落暉。一身輕似擲。雙足疾如飛。客舍初明火。人
家半掩扉。兒童笑相問。底事此時歸。

詩

三

與李秀士代楊妻作

唾
介胄文章客。均爲瓊海人。交遊萍水上。離別劍江邊。兩地皆尋祖。孤舟各問津。何時重見面。依舊一鄉親。

送別三首

雨雪正紛紛。相看欲斷魂。綈袍猶戀戀。征袂已翻翻。秋色鶴山月。春空馬嶺雲。知君懷我處。便是我思君。

出處有時節。行藏無定期。遊蹤何落落。歸路莫遲遲。璞玉還堪琢。驪珠不可遺。要將懷素寶。售此盛明時。

南北東西路。驅馳秋復春。十年孤苦客。萬里一歸人。屋宇皆非舊。襟懷亦自新。到家何事好。惟有弟兄親。

送彭孔明膺薦入京

集
携手上離亭。江山總是情。雨餘花色重。風細柳烟輕。出匣雙龍奮。橫空一鶴鳴。獨憐今日酒。猶自爲君傾。

月夜乘舟

雲淨江還淨。風清月更清。蘆花兩岸闊。蓮葉一舟輕。天影隨波動。帆光帶月行。流連閑興盡。回棹已三更。

遊山水

山色連雲斷。霞光照水飛。浪奔船勢疾。波闊櫓聲微。水鳥翔還集。江花密更稀。五湖煙景好。范蠡亦忘歸。

迎春館

高人託沖隱。築居瓊島潯。山水足佳趣。煙霞愜素心。牙籤懸錦軸。玉樹映瓊林。芸發滿階庑。清香時相尋。一鳥花間鳴。聞關流好音。感此時序易。長歌還孤斟。孰識箇中趣。悠悠山水深。

金陵有見

金陵多好景。一見便繁華。楊柳三春態。芙蓉四季花。池涵雲影布。樓得月輪斜。誰覺心中事。綦巾憶舊家。

詩

五

封家書

裁紙常憂短。修書不見長。寫成一箇字。斷盡九迴腸。言語何親切。緘封自謹防。幾多心事。都在箇中藏。

海天春曉十首

山外無山只有天。天光常在未明先。陽春到處增和氣。瘴藹開時起瑞煙。綠樹經年遲落葉。花村無雪早耕田。居民樂得東風暖。總把單衣換不棉。

集

大地春回大海中。韶華不與異鄉同。林椰葉老無窮碧。海漆花嬌別樣紅。鐘鼓響低千瘴月。客船牽動五更風。平明縱步瓊台看。描畫丹青四面通。

一島南來地脉長。東風文物曉青蒼。絳唇微罩檳榔醉。螺髻斜簪茉莉香。巢鳥乍驚桑土濕。臥龍初起海雲忙。梅梢尚有嬋娟月。分得餘光過短牆。

睡

特頒鸞誥到天涯。帶得春陽着物華。曲徑暖風醫病草。滿林香雨吐奇花。
。七洲波靜鰲山聳。五指天開鳥道斜。榆柳陰中烟霧曙。數聲鷄犬野人
家。

環海生黎半熟黎。一聲犬吠一聲鷄。雨餘紅槿先春吐。露裡黃茅向曉低。
。拾翠滿溪無鳥跡。踏青隨處有霜蹄。熙熙總向陽春化。來自東南北與
西。

餘

鷺車飛下遍南州。趁曉春光總勝遊。楊柳風中金勒馬。桃花浪裡木蘭舟。
。山因日出收殘照。江爲潮來向上流。民族與時俱一變。也應海屋又添
籌。

集

海不揚波風不號。太平光景滿江皋。陶公東下清流遠。婺母南來碧嶂高。
。春釀小槽翻鴨脚。曉寒單袷褪鵝毛。明時更喜多人傑。一破天荒盡白
袍。

火輪初出照寒微。茅屋齊開白板扉。傍曉江山偏有色。向陽花木倍生輝

詩

七

遊蜂課蜜紛紛去。乳燕離巢數數飛。願得東君長自在。臨風不用聽催歸。

睡

使節來時島上春。玉驄嘶曉自行巡。薰風振起炎蒸地。和氣噓回凍餒民。千里謳歌千載遇。一年光景一時新。天工却也資寅亮。高慕春台在海濱。

濱

餘

地運滄海海連天。春日朝來得最先。千里山河開曙色。幾家漁火起新煙。檳榔樹底無源水。布谷聲中小熟田。讀罷小窗猶不寐。寒襟頓覺暖如綿。

海南風景

集

瓊台十縣與三州。屹立南溟抗白流。水接扶桑先得日。山逢寒露未驚秋。雲橫婺母堆雙髻。霧散陶公出一頭。只道瀛洲登未得。不知身已在瀛洲。

響水橋

嗟

響水橋頭響水橋。蒼龍高臥白雲霄。半灘湧激驪珠碎。幾曲潺湲鳳律調。
周道南來平似砥。餘波東下直通潮。登臨漫把相如筆。此去昇仙竟不
逢。

計氏耕樂

湖廣人

餘

湖上園林深更深。烟霞不與世浮沉。山中禾黍有年歲。物外乾坤無古今。
春雨一犁莘氏野。蒸風三弄有虞琴。時來伊尹翻肱起。堯舜君民是此
心。

瓊臺春曉

集

海環四表一州中。春早壺天景趣同。枯草碧迴前度色。好花嬌勝往年紅。
嵐開已見扶桑日。海晏應無颶母風。獨有憲台豪邁客。陽春高調韻摩
空。

明倫集勝

彝倫明處日星光。光景熙熟道義場。肆雅歌風周禮樂。董醇賈茂漢文章

詩

九

宏開講席來鱸兆。師濟青衿列鴈行。蚤晚升堂皆入室。賢才端的勝虞唐。

文廟仰高

大明高起大明宮。萬世規模萬國同。數仞門墻霄漢上。幾聲鐘鼓雨煙中。欲登堂陛窺宗廟。似躡梯梯上太空。此日彌高還共仰。猶慚卓爾隔簾櫳。

雲路春風

雲路門頭汴沼東。東君到處總春蠶。詠歸曾點行邊趣。煖入光庭座上風。透閣玲瓏揚曉鐸。滿門桃李藹芳叢。文衿濟濟閑來往。萬里青雲一路通。

泮池秋月

半壁池中月一天。波光月色兩嬋娟。兔穿雲破冰壺洩。魚躍萍開寶鏡懸。桂影飄飄侵賦筆。芹香采采照書氈。夜深想到觀瀾處。洙泗源頭在眼

集

餘

唾

書燈繼晷

睡
白駒穿隙去。駸駸。幾點青燈競寸陰。秦宇光中星耿耿。唔咿聲裡夜沉沉。
匡衡壁破通昏曉。車胤螢飛映古今。展卷坐來高著目。分明照見聖賢心。

春遊柳陌

餘
荏苒韶光和暖天。紫騮嘶入綠楊烟。風流肯落張生後。雪咏曾居謝氏前。
醉伴嬌嬈飛舞袖。靜依睨睨聽歌絃。殷勤爲問程夫子。誰謂偷閑學少年。

夏賞荷池

集
十丈芙蓉一鏡天。天光水色蕩無烟。葉浮新綠來心上。花露微紅在眼前。
。遠岸舞風添水榭。隔波彈雨和湘絃。箇中獨得濂溪趣。遺愛鍾來幾許年。

秋吟菊徑

唾
新霜天氣菊花天。滿眼秋容淡掃烟。隱逸自堪三徑裡。孤高迥出衆芳前。
怡情取次成佳什。對景從容撫素絃。此日若逢陶靖節。與他同結樂天年。

冬步梅蹊

餘
直入梅蹊小洞天。玉容驚起曉寒烟。饒他雪白寧居次。占得春魁却在
前。滿地暗香浮蠟屐。臨風古調弄徽絃。興來尙憶林和靖。情思飄飄似昔年。

夜讀

集
鐘鼓遲遲夜正長。半窗燈火共淒涼。靈臺一點三秋潔。浩氣千尋百鍊剛。
梅月橫斜廉外影。篷風披拂案頭香。聖賢言語便便辨。讀到天開日已光。

榕陰對酌

唾

秋風蕩蕩樹陰陰。暑氣渾無半點侵。漫擊細鱗和薤蕘。轉開香醞對花斟。
天垂簾幙雲籠樹。風遞笙歌鳥弄音。此日諸君憂後樂。不妨沉醉共長吟。

方池湛月

水底圓如天上圓。天嬋娟映水嬋娟。一雙玉兔搗復搗。兩箇嫦娥顛倒顛。
水玉壺間蘋藻地。水晶宮裡桂花天。分明照出源頭闢。雲影天光在眼前。

餘

群山送青

村邊名山山遶村。村前山色秀成群。送青不遠來當戶。橫黛無窮對夕曛。
碧玉簪頭花帶雨。畫屏風裡樹橫雲。箇中怪得仁人樂。野鳥奇花總是春。

集

石井潛靈

空潭一鑑倚天開。活水源頭滾滾來。地脉山形相動盪。天光雲影共徘徊。

詩

。下無根底應難測。中有潛靈莫浪猜。變化却從霄漢去。便爲霖雨澤蒿萊。

唾

中秋賞月

非金非石亦非淵。分外深深分外堅。携手共看花底月。知心惟有世間天。
報投義重輕瓊玖。笑語聲歌勝管絃。滿眼相逢盡相識。幾人得到這情田。

餘

長流繞綠

源頭深處即流長。逝者如斯足浣腸。幾曲縈行來地脉。一泓深淺見天光。
朝宗有意歸東海。潤物無心補上蒼。此景欲知何處有。邁椰風水冠西方。

集

曉天見雪二首

因陳柳絮濕還飛。脫却鵝毛亂點泥。只見烏鴉天外過。不知白鷺澗邊栖。
謾增水氣成冰骨。怕映陽光損玉肌。恨殺綿花飛滿地。不堪收拾着寒

衣。

唾
朔風吹雪冷颼颼。不是堪傷涕亦流。布被蓋身難閉目。火爐烘手怕梳頭。
縑袍徒自希華袞。狐貉何曾問敝裘。只爲浮名累肌體。思量好箇沒來由。

環翠參天

餘
一林真趣一高堂。四面陰森四序蒼。彈雨九和淚鶴。凌霄千仞接飛凰。
分香易到蘭堦上。有實雖遺李道傍。自是參天多雨露。向榮生意起春忙。

喬梓驚秋

集
一天膏露兩栽培。俯仰雖殊總異材。楨幹尙期廊廟選。霜風俄作棟樑摧。
花殘濺淚當秋落。巢鳥驚心徹夜哀。最恨大材無用處。悠悠終古拚泉臺。

東臯清隱爲黃鍾作

詩

依稀城郭小江洲。深自深來幽自幽。幾曲滄浪花外雨。一方明月徑邊秋。
。。。雲鎖斷紅塵夢。香茗搜空綠醕愁。爲問首陽孤竹下。謂誰還得這風流。

赴薦留別諸鄉友

幾年顛賴泮池頭。沐盡寒波逐下流。偏似向嫌魚在罩。奮揚何愧鶚橫秋。
。。。蛟龍雲雨猶難測。老蚌明珠肯暗投。我欲上天向天問。也曾有意屬南州。

上翁憲副

誰云瓊島古炎荒。環海于今到處霜。臺上有人寒擁纈。郡中無椽暗懷裳。
。。。槎枒怪木經風落。猗猗妖狐竊地藏。自信小岩丹桂好。冬霜時也被春陽。

別吳朝舉

甘苦相隨上帝州。那堪又向辟雍遊。半牀燈火三更夢。萬里鄉心一種愁。

唾

書劍自慚糊口計。家園誰解爲身謀。金陵風景雖云好。我亦怱怱不久留。

別王必輝

北去南來客兩都。幾多愁苦共塵途。金陵景物追瓊島。璧水春風咏舞雩。霄漢懸心紅日近。楚天回首白雲孤。同來未得同歸去。忍寫離歌入畫圖。

途次聞蟬

和周師韻

聲咽高低撥不平。淒淒渾似訴平生。緩隨風勢千般巧。暗逐花香一味清。楊柳曲中時弄笛。鹿鳴歌裡聽吹笙。雖然樹底栖鳴隱。爭似鵬搏九萬程。

舟次英德觀音石山有作

奇奇怪怪復巖巖。中有玲瓏古佛龕。樹木却生無地上。烟霞應絕大江南。輞川圖裡王維筆。赤壁江頭蘇子航。安得二公同掃石。舉杯終日坐晴

詩

風。

飛來寺二首

唾
餘
集

崔嵬一上何窮。滿眼烟光入梵宮。流水盡歸空寂裡。遠山猶在有無中。六窗掩映猿啼日。半夜蕭條鶴唳風。安得飛來却飛去。種些禾黍慶年豐。岩下誰知別有天。箇中俯仰趣無邊。風輕雲淡日長午。鳥語花香春自妍。耕鑿每懸伊尹笠。唐歌時撫伯牙絃。悠悠此樂傳身世。古往今來幾許年。

度梅關

步出群峯第一巔。遠瞻碧宇自茫然。天寒惟有梅含雪。地迥曾無柳帶煙。愈上愈高知峻絕。漸行漸至可攀緣。古今過往知多少。一二登臨致厭頻。

過邳州

邳州城外漏頻催。星漢昭回曙色開。爆竹自驚殘臘去。椒觴相賀早春來。

○風光近迫名園杏。○鄉信遙傳驛路梅。○國有聖君家有母。○深恩未報思悠哉。

與吳先生

白鹿堂前徑草封。○先生從此躡遺踪。○廬山近出文峰下。○湖水平歸學海中。○半榻清風蓮葉綠。○一壇香雨杏花紅。○匡南莫道登科少。○丹桂行看滿月宮。

舟中偶書所見

一葉孤舟寄此生。○江流誰管重和輕。○岸頭日日躬腰走。○水面時時拄杖行。○出險惟憑帆轉力。○無風頻聽棹歌聲。○爲他惆悵船頭看。○滿眼烟波撥不平。

儀真江口舟阻風

儀真江口夜停舟。○天意如何太苦留。○已放雪花迷客眼。○更翻風浪打船頭。○一場清話閒消興。○幾曲長歌莫改愁。○好是上林春尙早。○探花延我待時

遊。

和周鳳齋見寄

四靈七德獨稱良。周室岐山是故鄉。文彩九苞震日煥。翱翔千仞海天長。時明棲老梧枝冷。春暖餐餘竹實香。正是文明眞瑞應。五雲深處好飛揚。

五月江邊待客不至

淨掃蒼苔一徑荒。捲簾寂寞欲斜陽。新蒲切就椰盃覆。香茗烹餘石鼎涼。渡口雲歸龍已去。行邊烟渺鶴相忘。暮江惆悵空搔首。江水滔滔恨更長。

江湖勝覽

天南天北路悠悠。杖劍南來欲盡頭。蘭棹撥穿袁渚月。芒鞋踏破謝山秋。五湖風景歸吟興。三島雲烟放眼收。見說子瞻多汗漫。平生奇絕在茲遊。

皇華勝境

陳師傳社學卷

皇皇花木幾江山。憲檄頒行鼎笮觀。一騎長驅瓊島近。斗州歷覽海天寬。
善哉歌謠文明盛。木鐸聲聞士盡歡。書社萬間環里社。回看稚髻總衣冠。

金陵勝覽二首

一統山河萬國恢。太平光景淨氛埃。滋榮曉露金門樹。披拂春風玉砌苔。
萬疊樓臺平地起。九重宮闕倚天開。聖朝根本隆斯地。漢族重興氣運回。

高皇建極紫金僊。玉宇瓊樓復絕埃。瑞長仙芝庭下草。艷鋪宮錦砌邊苔。
龍盤虎踞山河壯。地久天長壽域開。此日臣民凝望處。一天雲漢正昭回。

初進南雍

宮牆高大羨南雍。何幸來遊負笈從。秋水芙蓉齊秀出。春城桃李盡芳濃。

詩

。月斜正聽堂前鼓。日暮無聞飯後鐘。自笑不才逢際遇。朗吟聊破寂寥中。

和教習林先生韻

雅韻飄飄興轉賒。風流端合稱詩家。春雲影裡生池草。夜雨香中吐筆花。美麗何殊輝旭日。清奇共賞綺天霞。愧將涓滴添滄海。萬頃茫然豈有涯。

奉和都台憂水患詩卽次原韻

牂牁遙接越江頭。底事年來有橫流。萬頃桑田千里浪。三江烟雨一漁舟。。潘川往跡嗟何在。播種無功恨未收。想見台端今禹稷。爲堯兼得十分憂。

結髮會期到白頭。薄緣何苦早分休。夫妻不共人間老。兒女空遺客裡愁。一枕香魂蘭麝古。半生賢行藻蘋秋。傷心怕說傷心事。不覺沾襟有淚流。

送廷賓先生分教瑯臺

唾
萍水相逢便眼青。又看離別出都城。北來聖主恩新沐。南去先生道已行。
瓊。紅落吳江楓葉冷。碧連秦樹桂花清。懸知桃李花開處。一道春風直至

送林省祭還鄉

餘
烏紗才見一冠峨。畫鷁俄聞兩棹歌。淮水北來開凍早。越山南去受春多。
何。不須歧路縈新柳。好向家林養舊柯。棖桷棟樑均有用。楡才未必計如

上都帥題鳳

集
眼前何鳥不腥膻。竹食惟應鳳所天。七德性靈知更善。九苞文交觀爭先。
。不聞楚客誇尼父。僮感韶音舞舜絃。寄語群鳥休訝笑。好從千仞看聯

送別胡一齋同年還鄉

詩

紅杏春風丹桂秋。一天光影兩同遊。舞衣耀綵君深慰。瞻袞趨朝我獨留。
載重殊恩江上舸。興高歸趁月邊樓。夢魂一路從君去。直到蒼山建水頭。

點鐵原來要作金。文章成器此生心。微名已著登科甲。薄職偏教入翰林。
曉曙進泰丹陛近。春風歌詠玉堂深。一官萬里無他報。兩字清高是好音。

送王汝學先生

名佐號桐鄉

先生以癸卯秋報最。上金臺。道次金陵。留別以詩。厚相期待。師生義
固爾也。甲辰春旋旆將之任。生罔克報稱。不揣謏陋錄呈示教。

平生山斗仰斯文。講席曾叨侍夜分。程雪已知深爲醉。邵顏豈必厚於賁。
蛟螭尙與雲龍逐。騫馬難追德驥群。快見拜恩榮任處。御爐香煖紫衣
芬。

上分巡陳憲僉

集

餘

唾

唾

凜凜霜風振海山。炎荒無地不生寥。豺狼寂寞逃千里。厦屋併蟻託萬間。
。糾糾武夫回壯氣。紛紛寒士總歡顏。夜來翹首孤城月。分外光輝分外
圓。

輓丘醫官二首 名源文莊公兄

杏林春色總成非。滿地飛花客到稀。醫國謾勞懷遠志。去家無復憶當歸。
。火殘文武時空炭。劑減君臣晝掩扉。寂寞不堪松下問。寒雲深鎖暮山
暉。

餘

西風拂面些歌成。魂去難招易愴情。沿徑落花憐往迹。滿林啼鳥弔詩名。
。一官烏帽空留影。三尺紅羅痛寫旌。遂使舊遊傷感處。歌傳薤露淚沾
纓。

集

送邢大舍人二首 淵丘先生長子官中書舍人

嚴翁名望重烏臺。公子于今始一來。萬里風霜追遠跡。五湖風景動遺哀。
。鳳雛共識文明瑞。喬梓誰非世用材。歸去省親思報國。拜恩還擬上蓬

詩

萊。

星光南極見天中。嘯傲湖山暢惠風。此日猷圖無俗客。當年同甲盡名公。
氣鍾喬嶽身常健。眼放長空興不窮。借問先生吟醉後。曾忘昭代有夔龍。

上太守二首

簾捲春風化日長。鼠牙無事到黃堂。月明滄海珠還浦。雨過青山虎渡江。
五袴輿歌輿頌徧。兩岐吐秀麥花香。我來肩息甘棠下。借得餘陰一夕涼。

四境絃歌處處揚。熙熙千里總春陽。安人每展經綸手。憂國還披鐵石腸。
日永蒲鞭空示辱。風清麥隴有香餘。夜來試看城頭月。也得寒微一借光。

哀朱先生

先生耳目最聰明。年少群中一俊英。學步儒門纔得路。修文鬼錄已登名。

集

餘

睡

豐城塵起龍泉暗。華表雲歸鶴夢驚。惆悵南窗勤苦處。淒淒夜雨弔寒

睡

碧桃紅杏 考選庶常詩

狄公門下孔壇中。化雨何殊發育功。天上種時和露碧。日邊栽處倚雲紅。
葉殘始見柯成實。花好都知色是空。造物原來有真宰。芙蓉江上任東風。

餘

早朝謝恩即事

玉河橋畔夜將闌。流水聲中月半彎。幾曲清歌賡樂府。一天光景淨塵寰。
六龍駕下丹霄近。五鳳樓前玉筍班。共拜丹墀瞻咫尺。感恩猶恐報恩難。

集

燕都偶成

樂育英才邁漢雍。獨憐浮跡抗塵容。驚寒鴈陣聲初斷。入夜鱸魚味至濃。
吹透鄰牆三弄笛。撞開窗戶五更鐘。曉來又向金臺看。滿目雲山似夢

詩

二七

中。

送馮叔貴注選還鄉

壁池秋水正漫漫。流出都門送木蘭。兩袖香風辭栢府。一枝桃李屬天官。
騰身已許雲霄近。回首休嗟道路難。君去忍分瓜與葛。連茹應在拔茅
端。

文林別意送賴廷英赴貢

泮宮門下祖筵間。話到平生別却難。連袂采芹春水暖。對窗觀史夜燈寒。
鴻飛豈信同遵陸。豹變寧知更長斑。爲虎爲龍從此去。不須瞻戀舊江
山。

送交三首

雲滿征袍霜滿巾。惱離人處送離人。橋門流水寒生凍。客路淒風恨起塵。
桃葉歌殘前渡晚。檣榔烟煖故園春。臨輿無奈分連袂。祇恐儒氈冷席
珍。

集

餘

唾

唾

誰云矮屋負長材。才在儒林拔萃來。孔孟文章充肺腑。伊周事業滿胚胎。
朝陽海上傾葵藿。霖雨天邊被草萊。萍水有源沾麗澤。不妨詩酒共徘徊。

白雪歌成雪滿街。送君遙出鳳凰臺。萍飄水面聚還散。梅抱春心舒未開。
馬勒暫依庾嶺表。驪珠難沒海天涯。眼前釣得金鰲者。多自橋門跳出

餘

寓金陵寄家書

鄉里人歸我未歸。家書一紙寄阿誰。硯中滴淚濃磨墨。筆下傷心亂寫詩。
夢到北堂惟母接。望穿南極只天知。此書莫向堂前讀。靈爽如聞也痛

集

贈錦衣衛千戶

戶侯英雄士子也。忠謀輔主。勇畧過人。所謂矯矯虎臣者也。文情武備。
蓄之有素。戲下之士。靡不德之。而凡觀國光叨實宿者。亦多備至容

詩

接。區區二三同志。辱在愛中。瞻仰有日矣。敢竊文詞。同彰武德。希垂盼爲榮。

唾

冠世英雄繼世勛。京都丰采孰如君。劍橫殺氣冲牛斗。戈耀秋光破陣雲。兵甲胸中馳萬馬。貔貅門下擁千軍。麒麟閣上傳消息。竹帛名高四海聞。

餘

氣宇軒昂大丈夫。世家何愧執金吾。垂勳燁燁昭光烈。威武桓桓振帝都。萬馬無聲聽號令。三軍奉法任招呼。聖明晝日來三接。會見康侯贊廟謨。

集

送省祭官還鄉

風雪勞勞半世形。喜聞公事了公庭。衣冠曉出披香殿。祖席晴開折柳亭。仕跳往來雲外鳥。人生離合水中萍。孝親拜祖須回首。猶有忠君志未寧。

江東城闕楚江東。幾度霜華閱歷中。頭角已看今日變。衣冠不與舊時同。

烏龍潭上三秋月。白鷺洲邊一棹風。歸去爲家來爲國。親恩難掩主恩隆。

唾

土舍王義官哀輓

名原世桐鄉先生父官撫縣相

撫濟黎民日已昏。餘光留得照乾坤。一林風雨寒英氣。三島雲烟慘夢魂。高義堂堂天地久。芳名藹藹菊松存。遺孤永抱終天恨。我亦悲歌洒淚痕。

餘

黃大理僉憲廣西贈行

法星飛生五雲端。烜赫威光照膽寒。聖主特崇綱紀任。遠人爭覩士師官。九秋風月雙龍劍。萬里乾坤一豸冠。從此桂天清似洗。更無烟氣起林巒。

集

悼亡四首

宦遊千里遠相從。自是生同死亦同。比翼高飛天外鳥。連枝深結徑邊叢。煙沉古匣梅窗冷。塵掩遺編蕙帳空。此日孤兒多感恨。建江江水正流

詩

三一

東。

睡
朱絃愁絕破瑤琴。流水無聲恨轉深。鸞鳳樓空春寂寂。鴛鴦瓦冷夜沉沉。
半生懿行傳閩闔。千古遺風慘士林。除却一經文與史。更無遺子滿籬金。

餘
數尺朱絃繫玉琴。琴亡絃絕兩難禁。離鸞有恨佳期隔。流水無聲古調沉。
鮑叔永遺鍾子意。相如應負卓文心。可憐玄鶴庭前舞。猶戀當時再奏音。

集
排田回首淚垂膺。造物於人總不情。堪嘆世衰交道喪。更悲邦殄哲人傾。
數言已作終天訣。寸步何緣覺舊聲。生死交情知不負。敢書心事告幽冥。

挽友二首

聞君凶訃我填膺。從此無緣話舊情。天上忽乘箕尾去。人間俄嘆棟樑傾。
高山寥落陽春句。流水潺湲夕照聲。可惜哲人今已矣。幾回揮淚洒蒼

數尺朱絃繫玉琴。琴亡絃絕兩難禁。離鸞有恨佳期隔。流水無聲古調沉。鮑叔永遺鍾子意。相如應負卓文心。可憐玄鶴庭前舞。猶戀當時再奏音。

排田回首淚垂膺。造物於人總不情。堪嘆世衰交道喪。更悲邦殄哲人傾。數言已作終天訣。寸步何緣覺舊聲。生死交情知不負。敢書心事告幽冥。

挽友二首

聞君凶訃我填膺。從此無緣話舊情。天上忽乘箕尾去。人間俄嘆棟樑傾。高山寥落陽春句。流水潺湲夕照聲。可惜哲人今已矣。幾回揮淚洒蒼冥。

望望龍門每愧膺。誰知一枕間交情。孤哀乏嗣號天泣。傷喪斯文汨雨傾。撥盡短琴中夜冷。夢回長笛半空聲。追思盃酒閒談處。風雨瀟瀟自晦冥。

輓徵士三首

書劍飄飄老宿儒。鐸聲初歇聽驪駒。花沾化雨香猶濕。人倚薰風醉欲扶。孔席夜寒千里夢。漢廷雲護一雙鳧。人龍別後知何處。應作甘霖遍九區。

睡
英魂去去入昏衢。哀訃俄驚士大夫。拜命今纔承寵詔。安人空未展宏謨。芳名藉藉嗟難泯。大志淹淹恨未舒。自古讀書天不負。此言今日也成虛。
昨夜蟾光觸少微。九泉何事卜幽栖。半生豪氣秋山外。一枕仙魂夕照西。放鶴悠悠雲水闊。遺珠渺渺海山低。那堪樽酒聯詩處。花落花開鳥自啼。

憶亡妻及孩

餘
二十年來爾有家。相依纔十四年華。二男春桂先零蔓。四女秋蘭始出芽。傍母眠時俄失母。有爺別後似無爺。啼饑號冷憑誰顧。爾獨何心撒手耶。

夢亡妻因感邵先生易數駕帳情初洽鸞衾意已陳之句

存歿只爭三寸板。可憐隔斷一生身。夢中相見還非見。醒後欲親那得親。駕帳有情難再洽。鸞衾無意漫重陳。却慚前定先生數。翻作哀歌輓後人。

又書夢

死生離別各天涯。夢裡又逢不在家。憔悴玉容無傅粉。半偏雲鬢未簪花。出

門迎我悲還喜。入室愁兒怨復嗟。料得英靈知我苦。願家寧異舊時耶。

寓羊城寄弟

唾
母老居家我出疆。無妻無子總堪傷。阿兄疾病當危地。孩女伶仃託異鄉。婢
僕曉來無主喚。田園春去有誰忙。許多囑付惟吾弟。一句言中淚兩行。

萍水

餘
萍水秋風冷欲分。越仙難聚五羊羣。太平橋外回潮早。遠驛亭邊醉日昏。葵
藿影開青鎖闥。羽林輝映大將軍。懸知拜舞春臺上。三祝嵩呼徹五雲。

自叙

集
登科始信讀書榮。教育殊恩出九重。父子總膺徵仕爵。婦姑同拜太君封。門
迎化日文光煥。簾捲春風瑞氣濃。孝足報親忠報主。恩榮堂上拜雍容。

代龔送友

紫金山外柏臺端。霜月同經一歲寒。仕路莫爭遲速異。鄉情偏覺別離難。迢

詩

迢驛路三千里。隱隱舟航十八灘。此日龍南暫回首。風雲行見出泥蟠。

哭丘一成

三首

睡
海嶽鍾生命世英。渾然才質自天成。文章應使出頭避。詩句傳看滿座驚。回也眼前時立卓。鯉兮庭下正趨行。可憐造物無真宰。不與斯人假壽齡。

奉侍高堂迹久韜。半岩水石數間茅。潤沾曉露蒼苔滑。寒鎖春雲綠樹高。映竹謾看鷄啄黍。隔林空聽鷄鳴臬。溪橋回首斜陽外。路草凝煙共鬱陶。

餘
翠筠軒外日黃昏。倒屣尋居不見君。清廟暗疑收重器。白雲空自鎖衡門。詩壇幾度吟風月。眉宇連宵入夢魂。孤館覺來渾寂寞。茫茫心事向誰論。

端午代鄉人會約

集
蘭湯一洗俗塵空。萬衆都歸化日中。瑤草翠添爭渡雨。錦蓮香起乍晴風。梟羹不用當年貢。魚腹難追自古忠。此日蒲觴誰不醉。鄉歌幾曲水流東。

送郡博陳先生秩滿之京

唾

詞源滾滾逐頽波。洙泗源流更若何。教本一心師道立。化行千里善人多。東脩不管資囊薄。章甫寧辭老鬢皤。此去赴都當益壯。不徒燕趙寫悲歌。

科甲登榮二首

送胡一齋同年還鄉

脫却青衣換綠袍。烏紗巾子出頭高。表陳黼座承恩渥。名著玉堂燦彩毫。鸞掖文章重聲價。鳳池出入盡英豪。書生一介如何幸。天上風雲際有陶。

滿城桃李動春風。三百衣冠一笑同。龍虎榜中增氣象。瓊林宴上列英雄。宮花壓帽天恩重。御苑頒衣日色蝸。拚醉不妨文字飲。唐虞嘉際總奇逢。

上託青天藉祖宗。半生勞計頗成功。讀書自古原無負。有願于今始得從。食祿幸沾新寵渥。衣冠不似舊儀容。故鄉親友如相問。只看胡甥卽是儂。

讀家兄近作謹次原韻

關山迢遞此心孚。烟景誰爭任五湖。憂樂眼前尊酒共。別離江上片帆孤。鴻因避雪穿雲去。鶻爲橫秋向日呼。此後桑榆收未晚。不須惆悵失京隅。

詩

玩鶴子

有鳥翩然寄跡幽。高人瀟洒最相投。與窮流水琴邊韻。思入茶筵竹畔遊。林棹幾回蘆渚晚。蘇田二頃稻花秋。箇中會得忘機處。千載依依任白頭。

挽甥女死節

誰人爲死不悲傷。爲汝悲來喜一場。若使命存身失節。不如肉腐骨猶香。夫君地下應含笑。親戚人間莫斷腸。且把栢舟詩一看。宛然千載見共姜。

送梁大尹朝京三首

明時海宴與河清。賢宰趨朝動遠情。漠漠五雲瞻帝闕。搖搖萬里擁心旌。南園草綠金陵路。上苑花香錦繡城。想到會同稱壽處。嵩呼萬口兩三聲。

梅雨晴時天日清。摘梅送舊覺酸情。綠槐影裡行春酒。紅槿花中駐曉旌。風月一航離海國。山河萬里接皇城。懸知考績功居最。平地春雷再一聲。

椰酒斟來玉色清。送君聊叙故鄉情。鸚哥籠裏頻留語。舟子江中望去旌。星

唾

座有光騰玉陛。甘棠餘愛滿瓊城。也知此去官居要。驄馬行高遠寄聲。

永慕

膝下遠來哀怨深。九泉恩愛幾曾沉。休言眼底都無舜。湏信烏中尙有參。露
漙雨濡千古淚。天長地久一生心。此身此外更誰慕。思慕親時何處尋。

遇韋大尹

別來屈指已三冬。萍水于今喜一逢。把酒更青平日眼。譚詩還赧舊時容。
也知枳棘難棲鳳。却怪松筠未化龍。明日江頭又相別。雲霄漠漠樹重
重。

餘

集

送解戶部還鄉

喜完公事出神京。也沐天邊雨露榮。萬里乾坤雙眼闊。五湖風月一身輕。
葡萄莫惜他鄉醉。瓜葛還牽故國情。歸去北窗且高臥。柴門長掩白雲
橫。

詩

題吳氏流芳卷爲魏韋作

睡
根本栽培歲月深。君家種德已成林。滿堂橋梓增和氣。遶砌芝蘭弄曉陰。
深。長養每從方寸地。榮華常奉九霄心。春風莫訝流芳遠。根本栽培歲月

次大尹弟晚歸南渡韻

餘
南渡行來景漸昏。隔江烟火幾家村。搗來流水猶聞碓。推出斜陽半掩門。
存。馬認故程行步促。人爭歸渡喚聲喧。此時况有思鄉客。極日寒雲意獨

和知州問菊二首

集
蚤向西風課植籬。滿籬生意爲誰遲。眼前又欲荒三徑。雨後何曾見一枝。
時。晚節頻添忠獻興。夕殮恐負屈原思。三分秋色今無二。到得黃花有幾

睡

餘

集

欲將晚節守藩籬。粧點秋光好却遲。紫艷恥爲傾國色。清香寧屬傲霜枝。
滿頭自許歸時插。荒徑還留去後思。正是風霜搖落處。嫣然獨笑且隨時。

送友人赴試

昂昂志氣欲凌雲。年少人中幾似君。正養池魚資鯉隊。爭看野鶴在鷄羣。
清門紹述詩書業。彩筆縱橫繡錦文。椿府又沾新雨露。桂花早早繼清芬。

別周先生乃嗣還鄉

叨陪詩禮事嚴翁。長少雖殊志氣同。窗外唔啣芹泮月。花邊吟咏舞雩風。
愧予尙作鷄群鶴。羨子應爲鯉化龍。歸去簡編加用力。青雲路上蚤相逢。

哀提學趙先生

詩

四一

活水源頭澀不流。天光雲影一時休。魚龍泣血波成淚。渤海傷情浪白頭。
。有本謾勞追孟氏。亟稱無復見尼丘。洋洋浩派歸何處。空自寒潭日影
悠。

送友人還姑蘇

姑蘇何子饒、與余交遊於兩京、春秋一見矣、頃者浩然有還鄉之志、蓋既
非滔滔之流、而亦不爲役役之拘、其識趣有匪夷所思者也、余弗及如所
圖、而不能且愧、姑作此送之、庶後日之期會、或於斯乎足徵、

秋風昨夜透青衿。吟動還鄉一片心。宦跡眼前雲漠漠。客情江上月沉沉。
。榮華未必忙中得。安樂原於靜處尋。萍水會君君會我。臨歧慚愧一謳
吟。

送友人上京

遠携書劍上京華。萬里江天一望賒。帆影爽開滄海月。馬蹄香襯禁城花。

宜情總付題橋筆。離思寧牽倚玉葭。廊廟早應成偉器。好據忠力佐皇家。

唾

永思堂

輪奐峨峨聳棟樑。美哉孝子永思堂。畫墻每覩劬勞狀。花幕猶聞笑語香。
寸草淒淒天地老。雙靈炯炯日星光。會看移孝忠能作。堂愈增高思愈長。

餘

積善堂

世家積累非朝夕。華匾輝煌照古今。父作子承歸一道。宗功祖德本同心。
泰山積土方成大。滄海容川始就深。善慶有餘應勿替。山高川闊費長吟。

集

瞻玉堂

春田卜築喜初成。北望紅雲繞帝京。玉署文章多舊稿。青山泉石有新名。

詩

四三

開樽尚憶黃封醞。款枕如聞禁漏聲。暇日偶逢林叟說。瓊台深處接蓬瀛。

上婁參議二首

使車遙下海邊初。霧擁雲騰壯氣多。化日光中明主詔。薰風高處遠人歌。
南山共仰周師尹。邊土誰輕漢伏波。回首分茅山外過。金鰲銅柱看巍峨。

東吳山氣抗洪濤。秀氣偏鍾冠世豪。紅杏香中文彩艷。紫薇花外政聲高。
明良已際今堯舜。黼黻還期古稷皋。極目海天頻仰止。風流贏得受甄陶。

集

餘

睡

留耕亭

爲唐必大作

留耕亭下好溪山。頃頃都歸方寸間。穀種但施平坦地。叮畦不用巧機關。
雨暘自有天公管。穫歛從知人事難。最是子孫長久計。食時須記創時

難。

栢烏吟

送周先生注選還鄉

栢臺臺上聚烏群。栢樹陰森共夕曛。歷歷風霜秋已半。依依星月夜初分。
歸林暫覩南飛遠。集戟終教北向勤。莫羨天涯好醉跡。奮身應到九霄雲。

具慶堂

陰陰喬木蔭華堂。堂上雙親德孔良。鶴髮載斑胥種種。酡顏含笑樂洋洋。
椿般美茂萱般秀。天愈高明地愈長。膝下快看稱壽處。繡襦瓊玉舞相將。

集

餘

唾

送司訓陳秩滿之京

久持教鐸振瓊州。文物熙然總臞遊。山插半空黎婺曉。浪翻三汲禹門秋。
行當梅雨開離席。香滾荷風撲去舟。萬里長堂滄海闊。想應從此上瀛

詩

四五

洲。

詩

四六

觀修道路有作

睡
裂石崩山急急忙。縣官脩路築橋梁。一朝直起千人衆。兩道橫開四丈長。
坑坎幾時填得滿。田園到處被侵傷。馳車驟馬平平過。誰敢崎嶇怨路旁。

上鎮戎李都帥

餘
一聲長嘯海天遙。萬頃滄波不敢號。殺氣壯時神氣壯。福星高處將星高。
月明營壘皆橫枕。日落村墟已賣刀。幕府肅然無箇事。捲簾時對太公韜。

上清理蕭憲僉二首

集
驚車南下擁千旌。帶得天威重遠城。暗地鬼神渾破膽。寒潭草木亦知名。
旁搜武士茅茹拔。遴選文儒藻鑑明。歸騎無窮頻攬轡。風高瘴海已澄

清。

唾

奸邪狡詐得其情。玉上青蠅一箇生。河海古分鹹與淡。渭涇今溷濁和清。
殺人自信曾參枉。取義誰怜豫讓明。于氏門高陰險重。只緣治獄尙公
平。

餘

直道知公不世情。肯隨貪鄙變平生。頽波江上愁皆濁。活水源頭羨獨清。
尺霧謾勞秋月障。寸雲何損太陽明。願言隱步從渠視。周道便便以砥
平。

集

一曲離歌萬里程。江山滿目弟兄情。斷雲凝樹高低色。流水吞潮遠近聲。
馬足曉輕度嶺雪。花香春重錦官城。鳳池得意應徯我。共沐恩波對聖
明。

贈兄會試

送王文明還感恩

詩

四七

金水橋邊纔北下。辟雍門下又南還。九重恩澤通瓊海。一道文光過庾關。
 雲暖莫教龍睡穩。霧寒應是豹紋斑。感恩歸去須懷報。萬里天庭咫尺間。

送林繡衣還朝

名傑西臺御史

思親已見還瓊海。爲國重看上玉京。竭力居家全孝養。許身爲國盡忠誠。
 馬蹄輕渡關山越。帆影光浮海月明。此去遙知膺寵擢。好教九有致澄清。

送廷儀之任安遠

聖王深愛遠民安。安遠掄才拜宰官。欲爲九重宣德化。暫來百里撫癰殘。
 露搖征旆吳山曉。月滿維舟貢水寒。一路風光從此去。更無纖穢瘴層

送周至德還家

睡

富貴真成春夢婆。先生醒眼獨如何。魚窺淺澗諳鉤餌。鳳上高梧遠網羅。
萬里乾坤孤棹穩。半林風月一冠峨。紅塵陌上遙相送。慚愧臨風爲子
歌。

擬東流楊景昌首尾吟

乘舟不是打秋風。滄海南來庾嶺東。十載交遊萍水上。一天愁思樹雲中。
杏園自愧無門入。花縣寧知有路通。爲愛山陰寒夜雪。乘舟不是打秋
風。

餘

寄曲江司訓周廷重

曲江江上好山峯。才氣寧非秀氣鍾。天上洪爐司鼓鑄。人間良治爲陶鎔。
。忍看金鑑昏如夜。不使鉛刀快似鋒。要得器充才適用。早加心力日磨
礱。

集

送王戶部還鄉省祭

詩

十年戶部困爲郎。一片雲飛念故鄉。瞻望忍能歌怙恃。奏陳端許奉蒸嘗。
庭槐影裡乾坤闊。宰木叢中雨露香。此去未應在田里。早須鳴珮上巖廊。

題吳氏義學田

吳門重義家興學。况復輕財置學田。舌作耕犁人讓畔。心如谷種稼連阡。
可無饑矣非謀食。不素殮號足養賢。化雨一方覃厚澤。誦絃歌裡慶豐年。

數畝膏腴郊外郊。舌端耕破隴頭遙。春風暖播詩書種。時雨香沾秀實苗。
學稼無勞樊氏請。輸租不數石崇饒。箇中豈是閑田地。預養英才佐治朝。

和梁大尹途中風景

瓊海年來俗境遷。我侯歷覽獨垂憐。潤沾香雨山花好。翠偃輕風徑草鮮。

載道頌聲聞馭舌。滿懷吟興聳詩肩。曾聞蘇老經行處。千古車書共一人。

睡
遠持節使出花封。勸稼親民總爲公。葵藿有心終向日。草茅無地不從風。
權衡言貴兮輕重。斗量徵輸別異同。日照無私人共仰。餘光寧到覆盆中。

次蔡梅軒會後偶成

餘
並育乾坤浩蕩春。太倉粒米渺然身。盟追洛社風流古。言契金蘭臭味真。
同異渾忘心外迹。親疎相愛義中仁。若教東魯無君子。未必能成尙德人。

集
勉旃求友輔仁人。靜裡沈潛細認仁。花在好時猶未實。景從淡處始爲真。
風賓月友渾忘我。物與民胞盡屬身。堯步舜趨師不讓。藩籬撤盡大家春。

送李廷玉

睡
故人萍水喜相逢。尊酒那堪又不同。見日山邊飛旅騎。溫泉地上候歸蓬。
登堂好竭黃香孝。爲國應懷吉甫忠。仕版注名深有望。莫耽鄉玉老英雄。

寓中元日

餘
韶華本是一般天。不道天公也自偏。世上有錢自有節。客中無酒亦無年。
數莖淡菜尋常飯。一枕輕風自在眠。頭髮不梳冠不着。更無人到館庭前。

送別泉友

集
南浦停舟已夕陽。餘光留得照離觴。雙龍出海騰霄漢。孤鷺飛霞向晚涼。
光澤西來流派遠。曉山東望樹雲長。吾先來自泉江上。音信煩君爲寄將。

清明有感

睡
清明無客不思家。我到清明思轉加。嫩綠又開新柳眼。嬌紅不是舊桃花。
。半生遺恨空流水。三尺孤墳日落霞。欲寄悽涼眼前淚。想應流不到天涯。

途中有感

餘
一身漂泊一天涯。幾度炎涼幾歲華。踪跡此時猶在路。夢魂無夜不還家。
。影橫清淺田田鶴。棲定黃昏樹樹鴉。人在風塵歸未得。不如鶯也奈何耶。

送會同徐先生待選南還

集
莫怨秋風歸路遲。芙蓉江上未曾知。巨舟正到中流處。美玉方當善價時。
。天際風雲還有待。海門烟月暫相期。更無聲奇唐廷佐。來看先生誦我詩。

瓊臺勝覽送江右蔣舉人還鄉

睡
遠駕六熬過海瓊。瓊臺風景勝蓬瀛。四州文物均成化。千里山河屬大明。
浪滾寒潮驚醉眼。花飛香雨動吟情。孤帆拔出蘇仙後。奇絕還誇在此
行。

餘
直上樓臺賞海天。天光海色浩相連。青山一髮懸秋鏡。白雪千尋破曉煙。
觸目勝觀留去馬。滿懷佳興重歸船。故鄉親友遙相見。疑是蓬萊出洞
仙。

集
瓊海南來欲盡頭。壯哉奇絕在茲遊。登山極目渾無地。觀海回頭總末流。
梅嶺瘴開征路曉。鵝湖雲盡故園秋。春風握手丹墀上。射策推君第一
籌。

有客飄然不世塵。青雲洞府賞芳春。桂花香裡聲名舊。池草吟邊風景新。
爲弔蘇胡遺宦跡。却憐趙宋謫賢人。那堪懷古悲窮達。委質須爲骨鯁

臣。

睡

雲開遠見海中山。萬里歸程一水難。雨脚漸隨車轍至。風聲遙遞棹歌喧。
甘棠樹老還當友。桃李花開正滿門。多少兒童騎竹馬。攔街爭逐舊郎君。

餘

和梁大尹重經赤水道中感懷

滄波赤水浩相連。古渡重過却自憐。華髮暗驚非昨日。青山無恙似前年。
野花啼鳥迎歸路。芳草斜陽度遠阡。想見瓊臺生瑞氣。此時須識宰官旋。

集

送梁大尹考績之京二首

久羨侯心公且清。子民猶有故鄉情。仁風早向千家扇。化日光懸五仞旌。
柳色正新催曉駕。桃花依舊滿春城。祇今報最趨朝去。五色雲中謫令

詩

五五

聲。

唾
海國風微曉氣清。沙頭尊酒若爲情。潮回蛋埠花連棹。露鎖官橋柳拂旌。
馴鶴飛趨雙鳳闕。紫驄嘶度五羊城。賞功更擬登台輔。丹陛時聞琬玉
聲。

送李廷玉還橫江二首

餘
一識荊州泮水旁。便如韓孟兩形忘。竹軒夜雨連清夢。蘭室秋風遞好香。
樽酒數來歡會少。片帆歸去別離忙。從今未許重携手。擬作雲龍逐四方。

集
三疊陽關幾帳然。交情無奈別離牽。桄榔葉暗山城雨。橘柚香分海市烟。
合浦明珠清夜淚。橫槎流水故鄉情。別君況有逢君處。萬里青雲共一天。

賀友四十一壽

唾

誇君齒德兩俱遷。不動心來又一年。稱壽自應徐滿百。積功還許夙盈千。
影翻金粟開圖畫。香薦冰桃入綺筵。佇看鳴珂遊帝闕。人間別是一番
新。

題陳婦程氏貞烈卷

婦人多少失其夫。誰肯從夫就死途。但取心中無愧好。不求身外有名沽。
舍身輕作一毫末。立節高如千仞孤。若較古來貞節者。于今都不讓先
軀。

餘

贈梁大尹之京二首

集

賢令眞爲父母官。愛民如子一般看。饑推穀食常教足。煖課蠶桑只怕寒。
匍匐更無愁入井。征輸不復答追完。朝天却恐喬遷去。擬把雙轅臥轍
攀。

蕭蕭疋馬去朝天。航海梯山路八千。清績未陳雙闕下。仁心先到五雲邊

詩

五七

新鶯細柳長安曉。麗日光風大比年。朝罷快看承寵處。錦袍香藹御爐烟。

和主師周自叙韻二首

美玉於斯却。有年。琢磨誰識此心堅。韜光未許微疵玷。待價何妨歲月遷。珊瑚自應成女器。麒麟不愧受君鞭。下和直抱荆山玉。肯向懷中怨老天。

歲寒心事蚤相期。滿耳清音只自知。花裊細風香起處。枕欹斜月夢惺時。乍驚波浪翻龍窟。却擬簫韶奏鳳池。寄語茅山陶隱士。箇中因甚日淒其。

送劉汝堅赴春闈

馬馳霜曉劍橫秋。萬里江山屬壯遊。素蘊蚤誇希董賈。宏才今喜際虞周。氣嘘日下生雲霧。影射天邊貫斗牛。此去杏園春色好。一枝紅占萬人頭。

頭。

和周鳳軒寄

唾
揚。 姬氏眉中白最良。碧梧翠竹水雲鄉。朗吟風月襟懷壯。歷覽江山耳目長。
綠野有田皆種德。黃花無徑不生香。箇中近托芝蘭室。沾得遺芳遠播揚。

題成趣園池亭

餘 寸地傳來累世榮。渾然真趣自天成。鳥啼春檻琴軒靜。魚躍秋波釣艇橫。
盟。 日永落花閑裡過。兩餘芳草夢中生。何時樽酒池亭上。吟草看花叙舊盟。

赴會試南都美人家二首

集 紛紛紅紫眼中過。一點春風趣自多。嬌艷不容花比貌。清高寧許雪齊歌。
詩 風輕和氣生簾幙。雲煖幽香入綺羅。記得去年秋夜半。廣寒深處會仙

詩

娥。

百花無色鳥無聲。別有春風不世情。月避嬋娟沉恨海。雲迷清響下悲城。

蘇州隔座腸應斷。司馬當樽眼更明。覩此佳顏開此曲。藍橋何處覓雲

英。

薄施鉛粉淡梳粧。小巧風流恁也強。嬌欲比花還解語。艷將凝雪却生香

輕輕笑個情偏重。短短歌兒趣自長。色勝當年遊月府。眼前縹緲見霓

裳。

上二守禱雨有應

調燮炎荒屬郡君。亢陽那復烈如焚。直將人道回天道。便挽晴雲作雨雲

萬井恩波春浩蕩。一方生意日氤氳。曉來見說東南畝。次第深耕次第

耘。

上賢侯禱雨有應

集

餘

唾

唾

聖代安邊信有神。陰靈也爲作爲臣。禍淫豈害稱慈母。福善偏能愛子民。
。一水禱來晴亦雨。羣魚躍處暖生春。賢侯此日慇懃謝。會借餘波洗旱塵。

上太守禱雨有應

春風五馬正巡行。來自燕都過粵城。帶得北方生活水。洗翻南極早暘精。
。士民皞皞依時泰。花木欣欣向曉榮。試問此工天不語。不歸太守更誰評。

餘

集

天有精靈地有神。驀然求到海江濱。亢陽化作隨車雨。和氣吹開拂面塵。
。甞麥兩歧多獻瑞。江山千里總回春。自憐寒谷遲生意。瑤草穿勻未得伸。

奉和周至德不得志韻

烟波浩浩送行舟。此去非同汗漫遊。蘆荻洲邊山月曉。芙蓉江上水天秋。

時

六一

一樽薄酒傾前事。萬里長江占上流。聞道近來曾姓者。狀元及第是吾儔。

雷氏族譜

雷氏家聲四遠聞。眼前仁孝見仁孫。族傳有賴蘇公譜。祖澤無忘鄭子言。天敘秩然昭日月。民風淳處振乾坤。故家自是多喬木。根本深來葉愈繁。

范氏族譜

水有源兮木有根。根源深固古今存。源深始信支流遠。根固從知柯葉繁。柯葉繁華沾雨露。支流遠大潤乾坤。問渠氏族何由盛。水有源兮木有根。

杏壇別意

送司訓周師之京

紅杏壇前聽鼓琴。倚欄誰復賞知音。孔開早挹文風盛。顏氏偏沾化雨深。

集

餘

睡

售玉已增今日價。席珍未負此生心。此行定擬奮遷去。欲寫離歌不忍吟。

唾

題瞻雲軒

慈鳥啞啞度南枝。遊子驚寒淚滿衣。自愧一身淹歲月。難將寸草報春暉。關山遠望情何極。菽水承歡事已違。腸斷幾回空送目。孤雲欲傍大行飛。

餘

別南海何昌先生之南陵

邑博先生、與余同省人爲同庚且同舟自北還至南陵、余入南雍、而先生之南陵、素與相同、今當言別、亦有難堪者、故作此送之、

同一年來差一月。先生偏讓我先生。孤飛未許接鸞翅。共濟也曾陪雁行。壁水夜寒慚鐸響。杏壇春暖聽琴鳴。前程早晚都前定。何日重看聚德星。

詩

六三

江口舟中元旦感懷而作

蚤起新年到客船。人人快活我憂煩。心頭塞住連糜硬。眼淚含來當酒吞。
 拱手只共天賀節。低頭但見雪粧春。親情骨肉當何處。獨倚船窗暗斷魂。

謝彭先生歎禮并惠詩巾次韵

伏聞青出于藍、而深於藍、冰生於水、而寒於水、先正有是言也、生曳藍衫濯清水於門下、亦已久矣、乃猥靡不振、至於今日、是猶不青之藍、不冰之水、徒自愧於先正之言、貽玷於先正之教、可勝說耶、茲者竊觀上國獲拜下風、乃辱不鄙夷竟日歎叙、恩禮殊甚、生既旅邸沈吟成句、欲呈間、忽承惠以錦巾珠玉、且以青藍冰水之言過譽生、生復及此、愈自慚惶、復步嚴韻、共成二律、錄貢、

謝忱希爲垂教

睡

布衿漸染未青青。還着藍衫一過廷。日下擬沾新化雨。天邊重覩舊恩星。
談深往事宵還旦。酒有餘樽醉未醒。却愧謏才非天器。仰鑽徒自訴生平。

再一觀瀾壁水間。風生高座接羣談。堂前漫接南來雉。門下偏留北去驂。
烏帽籠頭公髮白。青衫滿目我袍藍。相逢相喜文明日。還仰休光照斗南。

謝李侍御過訪及惠書

二首 並序

嚮辱綉廳光賁。愧失趨迎。近蒙書筆惠加。幸親拜受。自度布衣之陋。得
沾華袞之榮。感德殊深。銘心罔極。敢將俚語代貢謝忱。冀察鄉情。允垂
電矚。

滿道風霜不世塵。曉來吹上布衣身。誰知凜凜三冬日。自有溫溫一種春。
守凍却慚江上客。不寒偏屬嶺南人。願教一夜風霜變。均作陽和煦萬

詩

六五

民。

加惠恭承物意新。接來猶似得明珍。展書如見秋霜面。落筆驚翻風雨神。
雲簇尙留天上詔。花生渾是夢中春。多君助我文章力。爲掃千軍敵萬人。

又因所惠書弗全有西漢無東漢有終卷無首卷

感君愛我古今通。惠我新書克有終。兩漢事情雖有異。一書篇簡必兼同。
未知頭緒徒知尾。只見西家不見東。聊寫片言問端的。不知何地有全功。

無題

半夜敲門叫語喧。洞房驚起不成歡。饒他有事天來大。爭奈多情海樣寬。
翡翠衾寒魂欲斷。鴛鴦枕冷興初闌。判開香袂登程去。幾度回頭過庾關。

集

餘

睡

睡

一夜同衾百夜思。交欣未已便分離。攬衣輾轉無眠處。推枕徘徊起坐時。
雲雨到頭渾是夢。烟花滿眼轉生悲。多情却被無情苦。好漢磨來也似痴。

為多情憶別

見農婦插田歌作

尺布包頭學野裝。輕移蓮步水還香。裙如蛺蝶隨風舞。手效蜻蜓點水忙。
緊束曉烟青一把。細分春雨綠成行。山歌欲和聲難調。惱殺搖鞭馬上郎。

舟中重陽次至德韻

舟泊渡頭別路長。況逢重九寓他鄉。一江波影依誰碧。兩岸菊花為我黃。
涼露沾衣唵裡句。輕風落帽醉邊觴。客中也得清平樂。萬歲惟應祝聖王。

集

餘

詩

六七

都台黃門諸先生寄贈倡和嚴韻見示敢竊效

顰併希呈正二首

唾
名公兩地各停驂。越嶺東頭海嶠南。君命遠傳皆不辱。夷心柔服總能堪。
吟間風月情如一。天上台星應兆三。共整峨冠登宰輔。唐虞治理日高
談。

餘
使節皇皇駕鐸。法星期朗照天南。心清似水原無累。任重如山也自堪。
國士掄才應寡二。臺臣極品僅饒三。預看反命朝金闕。恭奉綸音進偉
談。

吳都憲贈兩廣鄉貢舉人次韵未揭曉時

集
朝陽高出鳳嘶鳴。滿耳聲歌徹帝京。月桂九秋消息好。雲霄萬里道衢亨。
南關曙色朝天驥。上苑春光出谷鶯。况值憲臺宣德教。品題贏得重鄉
評。

翰林題景

睡
橫斜竹影夕陽西。半照山頭半照溪。却喜班聯鸞鳳侶。不聞野噪鷓鴣啼。
移。雨餘樹滴猿偷菓。風靜花搖鳥過枝。水隱波翻魚弄月。天空彈打斗星

奉使餽太常卿未會

餘
有緣千里能相會。咫尺無由得見之。七科不中天留意。四下無聞我自知。
師。國史使非伯玉使。太常辭豈孺悲辭。不屑教中真教誨。退而脩省是吾

會飲

集
有酒傾來飲。無錢莫去沽。但須懂意合。何必醉扶歸。

松竹

婆娑一古幹。樂共此君友。任彼風與霜。歲寒心不朽。

詩

風竹

心兮本空虛。節爲斜陽曲。勿謂枝葉低。還堪鳳凰宿。

露竹

挺出花柳前。不屈霜露下。誰知箇裡頭。亦有君子者。

梅

移出含章殿。猶粧壽陽額。豈無調羹味。山蜀良可惜。

遣懷

詩酒閑中趣。琴棋靜裡春。當前行樂地。風景最宜人。

過嚴子陵釣臺

公爲利名隱。我爲利名來。羞見先生面。黃昏過釣臺。

相府咏梅

集

餘

唾

唾

餘

集

時群公讌集丘師邸中、皆翰苑名流、予以一明經濫廁席末、劉希賢公健、指梅起韻、謝公遷、王公鰲次之、二公丘師門士也、予既不辭鄙俚、蒙羣公擊節獎賞、至稱爲吾輩畏友、翼蚤各投片刺枉車騎、泊予在木天、而群公亦相繼登樞軸、一見如舊、自惟予此作、初持以免酒、不謂遂當一贊、成締合、而先輩之虛懷雅量、亦寥寥千載也、姑附之以志感云、

東風昨夜到天涯。玉種移來宰相家。不是此心堅似鐵。雪霜枝上敢開花。

赴試白魚入舟

細鱗巨口亦奇哉。跳出龍門第幾階。周武渡江曾作兆。不知今日爲誰來。

過武城

夫子當年武城下。亦曾莞爾笑弦歌。我來不見弦歌日。莞爾其如感慨何。

詩

七一

睡

舟次大廟前有山、余方仰止、大尹公指曰、
此狀似小姑山也、余因口占一絕、

峻石巉巖骨貌粗。蓬蓬荒草鬢模糊。我來未必曾相識。見說依稀似小姑。

題翡翠

文彩彬彬翠黛鮮。品流未讓百禽先。休言筋骨非爲貴。且道皮毛也值錢。

餘

題畫翡翠二首

披青着翠翠毛衣。文彩天然信絕奇。勿謂此身飛不去。託身已在萬年枝。

集

文彩翻翻翠欲浮。脫毛還可百金求。帶花飛上烏雲髻。別樣精神肯出頭。

唾

題畫鳳

楚狂歌裡叙無聲。曾向岐山深處鳴。聖主于今邦有道。五雲深處好飛騰。

題繪鵲

黑白分明衆所知。那堪遶樹噪無枝。曉來花外高聲語。爲報飛騰是此期。

餘

題白雉

頂上芙蓉不用栽。羽衣曾向雪中來。平生不會多言語。一叫千門萬戶開。

集

送林辦事省祭還鄉代作

金陵回望海天涯。萬里乾坤總一家。君父厚恩都記取。莫教綵服絆烏紗。

詩

睡

餘

集

詩

七四

寓中見花爲李揮使口號

關王廟裡一枝花。開遍東風占物華。想見當時英邁處。于今都屬李侯家。

持傘雨行卽事

竹作鎗兮紙作牌。暴風強雨撼將來。面前一任雷霆怒。有此牌鎗盡敵開。

思鄉

水隔江河雲隔空。幾番離思水雲中。鄉關日暮知何處。雲自西飛水自東。

瓊南復覩天日送王汝學復任之京

一方有眼皆觀日。尺露無情謾瘴天。風伯到來還掃却。青天白日轉依然。

唾

餘

集

送別王二守

海南自古無人虎。境內于今有虎人。猛虎一驅人害息。周公今日倍精神。

觀上灘舟中有感

灘石高低水不平。水流灘急總無情。舟人到此渾無賴。抱着篙兒叫幾聲。

錦衣高戶侯石蘭

榮華已沐天邊雨。瀟灑還生石上雲。一段好音歸孔操。只今曾有幾人聞。

棋

兩樣機關一局棋。樊車羸馬尙驅馳。偷來得進些兒步。轉負回羸也未知。

詩

七五

詩

井渫

井水當年徹底清。向來污濁太無情。祇今泥盡寒光冽。還得當年水濯纓。

漁者

小小扁舟淺淺溪。一鉤香餌一蓑衣。得魚沽酒陶然醉。回首蘆花江月低。

魯橋思親

淚逐河流下魯橋。親魂何處我魂銷。相應識得遺軀在。來赴歸期不用招。

張家灣有感

人境繁華我寂寥。張家灣上自招邀。寶瓶載得淋漓蜜。共撥殘燈醉一宵。

中秋會賞

天將秋夜兩平分。此景於人孰不均。惟有月光分不得。一杯飲我一杯君。

新月

疑是嫦娥罷晚粧。懶將鸞鏡照昏黃。等閒投入青羅袋。露出弦邊一指光。

送方德明冠帶還鄉

際時而有所爲、吾儒之本心也、過時而自不爲、吾儒之本分也、有其心而不踰其分、方先生其賢也矣、較諸區區路至於日暮途窮、猶不知返者、不亦有間哉、予因作七言四句、書以爲贈、必無日如斯而已乎、

青雲素志幾層磨。白髮烏紗可奈何。回首家林問城市。就中真樂許誰多。

遇友二首

唾
誰信斯文骨肉親。相逢一笑見情真。饒他鳥獸非吾與。四海看來總一人。

○ ○
春花若比秋巖桂。後放先開似各家。試看風霜搖落樹。一般開放也芳華。

餘
闌月

○ ○
織女橋邊喜色饒。三光耿耿煥良霄。銀河渡有乘槎處。未許牽牛過此橋。

集
渡建江偶成

○ ○
建江江上古今流。只見煙波不見秋。此日過江看到底。始知活水有源頭。

唾

咏箑

涓涓潔潔一輪秋。隨相携手意自由。熱惱場中涼快處萬人。前面逞風流。

送別

客路奔波千里共。世情冷煖兩心知。水分雲散金陵外。明月清風何處期。

爲李世昌挽乃丈人三首

何翁高節與冰清。佳婿交馳玉闕名。悵望長江水已釋。不堪回首望鄉情。

集

九重淵底枕龍窩。不肯爲霖奈爾何。一夜風雷龍已去。寒雲渺渺海空波。

仙夢悠悠入羽丘。些歌聲斷楚雲愁。傷心況有乘龍客。淚濕連縑又寫憂。

詩

集 餘 睡

詩



八十